

१२६

दर्ता नं.: ४८/२०७६/७७

पुराणा दयक तकागु सम्पत्ति, भीगु कला व संस्कृति
पिकाक-भक्तपुर नगरपालिका



पुराणा दयक तकागु सम्पत्ति, भीगु कला व संस्कृति

ब्रह्मतामा

नेपाल संवत् १९४४ पोहेलागा / २०८० माघ १५ / 2024 Jan. / ल्या: १००, दॉ:६



चिनिया कम्युनिस्ट पार्टीया विदेश विमागया
सुन हेरानया पुछःता ख्वपय् लसकुस

धरानया नेवा: एकता समाजया पुचःता ख्वपय् लसकुस
(२०८० माघ १२ गते)



ख्वप नगरपालिकाया हिंडाकगु नगरसमा क्वचाल
(२०८० माघ ३ गते)



નેમકિપાયા નેતા કાર્યકર્તાપિન્તા લસ:હના નપાં મિન્તુતા

નેપાલ મજદુર કિસાન પાર્ટી જ્યાસાડ: નૈપું જ્યાપુ-જ્યામિ વર્ગતા શાસક વર્ગયુ યંકેયુ તાતુડ: સંઘર્ષ યાડ: ચ્વંગુ પાર્ટી ખ: | ૨૦૩૧ સાલ માઘ ૧૦ ગતે નિ:સ્વાંગુ પાર્ટી ૫૦ દા ક્યંગુ લસતાય પાર્ટી વ જનવર્ગીય સંગઠન તયસં દેયા જિલ્લા જિલ્લાય થી થી જ્યા ભ્રવ: નપાં ‘પાર્ટી નિ:સ્વાનાદિં’ ડાયક: વયો ચ્વંગુ દ: |

માર્ક્સવાદ, લેનિનવાદ વ માઓસ્ટેતુડ વિચારધારાતા માર્ગ નિર્દેશક સિદ્ધાન્ત કાથં ક:ઘાડ:વયો ચ્વંગુ ઉગુ પાર્ટી જનતાયા પ્રજાતન્ત્ર, સમાજવાદ જુંસુ સામ્યવાદી સમાજ નિ:સ્વાનયુ તાપાગુ આજુજવડ: હ્યાડ: ચ્વંગુ દ: | પાર્ટી ત:ગુ તાતુના પૂવાંક્યતા પ્રતિક્રિયાવાદી સંઘ સંસ્થાય દ્વારા વાડ: જનતાયા સેવા યાયુ નીતિ ન પાર્ટી કય્ચ્યાડ: વગુ દ: | નિર્વાચનં ત્યાકવાંનું નેમ્હા પ્રયુષા નેતા વ કાર્યકર્તા પિસં પદ વ ધેબાયા લાગિં પાર્ટીતા ધોખા બિયો વાંસા શાન્તિપૂર્ણ અવસ્થાય ભાગ કાયો જનતાયા વિરોધી તયુ પાપુષ્વલ: ક્યનયુ જ્યા યાડ: જનતાતા ગવાક્યુ જ્યા યાડ: વયો ચ્વંગુ દ: | થજગુ થાકુગુ જ્યા જૂસાં નેમકિપા ન્હ્યાબ્લે હચિલ: જ્યાસાડ: ચ્વંગુ દ: |

મોહિયાની હક સુરક્ષાયા આન્દોલન, ભ્રષ્ટાચાર વિરોધી આન્દોલન નપાં બજાર ભ: થિક્યુ જૂગુયા વિરોધ્ય આન્દોલન યાડ: મદિક્ક જનતાયા સેવાસં હજ્યાડ: ચ્વંગુ થુગુ પાર્ટી ઇરાક્યુ અમેરિકી સેનાયાગુ હસ્તક્ષેપ થજુ અલ્ય લિબિયાય યાગુ હસ્તક્ષેપ થજુ ઉકી અમેરિકી સામ્રાજ્યવાદ્યા વિરોધ્ય મદિક્ક સંઘર્ષ યાડ: વયો ચ્વંગુ દ: | અ:લિપાયા અમેરિકી સામ્રાજ્યવાદં ઇજરાયલતા લ્વાભ: બિયો ગવાહાલી યાડ: આનાયા સરકારં પ્યાલેષ્ટાની જનતાતા યાડ: ચ્વંગુ બર્બર આક્રમણયા વિરોધ્ય ન નેમકિપા લ્વાડ: ચ્વંગુ દ: |

રાષ્ટ્રધાતી એમસીસી સમ્ભકૌતા, ચ્વયયા કરણાલી, મહાકાલી સન્ધી થજગુ અસમાન સન્ધી સમ્ભકૌતાયા વિરોધ્ય પાર્ટી યાકચાં વ મંક: આન્દોલન યાડ: વગુ નેમકિપાયા બિચ: વ સિદ્ધાન્તયા લિધંસાય હજ્યાઇગુ નેપ: યા છગુ જક પાર્ટી ખ: ધાયુ ખાં બાંલાક: સિય દં વગુ દ: |

ખ્વપ નગરપાલિકાય નેમકિપાયા અપલં કાર્યકર્તાત ત્યાક: વાડ: થાનાયા જનતાયા સેવા યાય ધુંકલ | ૩૦ દાયા ઇતિહાસતા લિફ: પુલ થૈયા અવસ્થાતા સ્વયાગુ ખ:સા ખ્વપય શૈક્ષિક, સ્વાસ્થ્ય, સુચુકુચુ વ સમ્પદાયા લાગાય તહાંગુ હ્યૂપા હે વય ધુંકલ | અ: ખ્વપયા જનતાતા ઉચ્ચ શિક્ષા બ્બનય્તા થ:ગુ છું હનયા કલેજય ઉપચાર યાય્તા છું હનયસંયા અસ્પતાલ વ સ્વાસ્થ્ય કેન્દ્રે વ સુચુકુચુ, બાંલાગુ શહરય ચ્વનય દિતા થાનાયા જનતાનું નેપાલ મજદુર કિસાન પાર્ટીતા પટક-પટક વિશ્વાસ યાડ: નેમકિપાયા ઉમ્મેદવાર પિન્તા ત્યાક: છ્વગુયા બાંલાગુ લિચ્વ ખ: થવ |

નેમકિપાતા થૈયા અવસ્થાય તક હ્ય્તા ખાનય દય્ક: વ મદય્ક: અપલં નેતા, કાર્યકર્તાપિસં દુ:ખ સિય ધુંકલ | અનેક સદ્કટયા ઇલય નપાં થવ ભાતિ હે લિમચ્યુસે મદિક્ક જનતાયા સેવા યાયાં વગુ થુગુ પાર્ટી તા પુરા જીવન હે પાર્ટી ખય છ્યલ: વપું ન્હયલુવા પું ન દ: | અજપું સકલેં નેતા, કાર્યકર્તા પું વ ભિં મ્હ્યો ચ્વંપું સકલ સિતા પાર્ટી નિ:સ્વાનાદિંયા લસતાય લસ:હનાનપાં સુભાય દેછાય | ન્હપા ન્હપાયાથેં પાર્ટીયા નેતા કાર્યકર્તાપિસં અભ સ્યલાક:, અન્યાય અત્યાચારયા વિરુદ્ધ્ય લ્વાય્તા પ્રેરણ ચૂલાયમ: | ખ્વપ પૌ પાખેં સુભાય દેછાય |

પિકાક-ખ્વપ નગરપાલિકા/સમ્પાદક-આશાકુમાર ચિકંબજાર, ડેસ્કટપ-ધન લક્ષ્મી ત્યાત, આવરણ સજજા-રેણુ ધવજૂ, થાકુ- ભત્તપુર અફસેટ પ્રિન્ટર્સ ફોન લ્યા: ૦૧-૬૬૧૩૦૪૩, ઇ-મેલ- khwopapau@gmail.com



छसिकाथः:

याडु पुशु पावर प्लान्ट जनतां त्याकसां अमेरिकी साम्राज्यवादी तय्सं अःपुक अमिता गना त्वःत बिई। अमिसं थः सीडानं व पावर प्लान्ट लिताकाय्गु कुतः याडः च्वति। चिनियाँ जनतां त्याक्य धुकानं न्हुँगु चीन निस्वानय धुकगु क्यातुगु इलय है सैनिक हमला, बम क्वफ्वाय्गु, नपां फःथाय् फःक्व काथं साधनत छ्यलः दुःख बियगु असफल कुतः त याडुं तुं च्वता।

१९४९ जून महिनाय्निसें अमेरिकी साम्राज्यवाद ज्यूगु मज्यूगु थी थी पंगःत थाडः दुःख बियगु ज्या याता। शांघाईया उद्योग व बिजुली मता या व्यवस्थाता चाय्के मबियता उकिता मःगु डिजेल छ्वयो महला नपाँ फुक्क विदेशी प्राविधिकत नं लिता छ्वता।

थजगु क्वह्यंगु नीचतापूर्ण जः या विरोध्य ज्यामि तय्सं छगू 'जवाबी रुकावट' या आन्दोलन न्ह्याकला। अमिसं धाला 'धात्यें अमेरिकन तय्सं जिमिता डिजेल मब्यूसा जिमिसं कोइलाखं चलय याय्' १९४९ अक्टोवर महिनाय ज्यामितय्सं यागु कुतलं न्हपांगु ब्वाइलारता कोइलां चलय याय्ता तःलाता।

अमेरिकन तय्गु जः तालय् मलासेलि अमिसं भन घच्याय्पूगु नीचतापूर्ण (क्वह्यंगु) व दूष्टतापूर्ण कपटी

चीन भ्रमण शांघाइ पावर प्लान्टः नारायणमान बिजुक्छें (का. रोहित)

ज्या याता। १९५०, ६ फेब्रुअरी खुनुं च्याडु काइ शेकया पुचः नपां मिलय जुयो शांघाइता धू याय्गु बिचलं हिन्हय्गु हवाईजहाज (फय्खः) या छगू पुचः वयो थाय् थासय् गैरकानुनी तरिकां जासुसी याडः चाहिलः उत्तेजनात्मक (चण्डालांथें) कार्वाही याता। थ्यंस्थं हिगः ति बम पावर प्लान्ट् क्वफ्वाता। उकीं सचिछम्हा स्वयो अपः ज्यामित सीता, घःपः जुला। उगु पावर प्लान्ट् मिच्याडः मिज्वाला व कुँया प्याहाँ वल। फुक्क कारखाना धू धू मधू है जुयो शांघाइ सहरय् मता मच्यात। स्वंगु ब्वाइलर व छगू : जेनरेटर अपलं स्यनः। नी च्याम्हा ज्यामित आना है सीत। अलय ज्यामि त शत्रुया बम खाडः नं माया बरू गुलिफता उलिमथां ल्हवडः मता च्याकय्गुलि है ब्वाकः ब्वाकः जुला। अमिगु नारा थथेदः "चिच्छि न्हिचिछ्या दुनय हकनंबिजुली पिकायो शांघाइता न्ह्यालेया नितिं मताजलं चकांगु नगर दय्केगु"। स्थानीय जनताया रवाहालीं द्वलंद्व बताचा च्याकः चिच्छिन्हिच्छि नाखं प्यासां च्यूता मतसें ल्हवनय्गु ज्या याडु च्वता। हकनं मता च्याकः शांघाइता मताजलं चकांगु शहर दय्केगु तातुड अमिसं थाकु अःपु, तःनु-चिकु मधःसें चःति धाला हाय्क ज्या साना। ८ फेब्रुअरीया सुथाय् पीनेघौ व २० मिनेट्या मदिसें यागु ज्याखं जेनरेटरं हकनं ज्या यात अलय तगवगु चिम्नी कुँ प्याहाँ वल। थुलि जुय धुनयं सकल जनतात तस्कं लय्तायो थ वं थवय् धय्पुडः लय्ता प्वकला। जनताया थुगू विजयं अमेरिकी साम्राज्यवादता छथु स्यत्ताक्क डतलय् दःगु थें जुल। अमिसं चिनियाँ तय्ता- 'चीनय्

प्यपांचूपुं खिचात सच्छि नपां मरु अलय नेपांचूपुं खिचातद्विष्मयाक दः' जक हेबाय-चबाय याइगु। अलय छुं दिन लिपा हकनं अमेरिकी साम्राज्यवादीत व च्याडु, काइ सेक पुचः या फय्खः तं शांघाइ बम क्यकेगु नेकगु कुतः याबलय् मुक्ति सेनां अमिगु फय्खःता गोलीं क्यकः क्वप्वाडः बिला अलय अपुं बिसे वाना। थुगु संघर्ष मजदुरतय्सं अमेरिकी साम्राज्यवादया आक्रमण नीतिया खाँ ढ्याक्क थुइकला। अलय थःगु दे थमनं है दय्के मः नपां क्रान्तिया फलता बल्लाक रक्षायाय्गु कुतः खय् हज्याता। नपाँ चिनियाँ जनताया थःगु शक्ति व कुतः गुलिबल्ला धाय्गु बांलाक थुइकला।

अमेरिकी साम्राज्यवादीतय्सं चीन त्वतय् हाँ थथे घाइगु - चिनियाँ तय्सं थजगु न्हुँगु धंग गथे बिजुली पिकाइयें स्वयक्क जक ! चिनियाँ तय्गु कुतलं तःलाक सेलि अमिगु मुर्ख दिमागय् बाँमलाक गां थाडः बिल। स्वतन्त्र चिनियाँ जनतां थुगु पावरप्लान्टता बांलाक न्ह्याकगु जक मखु बरु अमेरिकी साम्राज्यवादी तय्सं भिंक्य मफूगु व भिंक्यगु मति मतःगु प्राविधिक समस्या नं ज्यंकःहनय् यंकला। थुगु प्लान्ट्या अपलं मेसिन पूर्जात मुक्तिया इलय है ३० दा स्वयो अपः पुलांगु खः। साम्राज्यवादीतय्सं खाली धेबा कमय् याय्गु जक स्वइगुलिं अमिसं ल्हवनय्गु व पाटपूर्जा हिलय् स्वइगु मखु उकिं मेशिनजक बांमलागु खराबगु मखु बरु हिता च्वजःगु हाइप्रेशर स्टिम जेनरेटर ब्वाइलरय् बराबर भाप व ना: ज्ययो वैगु। मुक्ति हाँ अमेरिकां नेम्हाय्म्हा ब्वाइलरया ज्या सःपुं विशेषज्ञत

सचिष्ठ नीखुगृगु ख्वप पौ. बःछि पौ(पाद्धिक)

सःत दकलय् बांलागु मालसामान दक हयो तथानं प्यदा तक ल्हवडः स्वयानं ल्हवनय् मफूगु उगु ब्वाइलर ल्हवनय् गु मति मुक्ति लिपा तला । लाहातय् ज्या दःपुं कुशल ज्यामितय् सं कपः धस्वाक छाति लाहातयो धाला- 'चिनियाँ मजदुर पिनिगु इज्जतया लागिं ब्वाइलर तस्कं बांलाक द्यक्हे हे मः ज्यामितय् सं आना हवंगाडः वथें वइगु हैण्डहोल व अमिगु सतह बांलाकः मथ्यूगुलिं ज्गु खः धाय् गु खाँ थुइकला । उकि द्विष्प्वः स्वयो अपलं प्वः दय् धुंकगु जुयो च्वना । अमेरिकी तय् गु पालय् प्वः छप्वः तियता निहिं बिइगु जुयो च्वना । उकि न्हपायाय्थें ज्या साडः च्व.सां ता ई बिइगुलिं ग्रीनिड्डग मेसिन अपरेटर चियाङ्ग लिन केक व मेमेपुं मजदुरत मिलय जुयो लच्छिया दुनय् छगः पेलय याइगु मेसिन द्यक्ला । गुकीं न्हिच्छिया स्वप्वः तियफत । अलय ज्यानं न्हपास्वयो बल्लात, बांलात । पेलय् याइगु मेसिनयां दयकल अलय अजगु ज्यायाय् सःपुं स्वम्हाजक ज्यामिता दत्ता उकि प्लान्टया पार्टी समिति नेसम्हा बांलापुं तुरन्त ज्या सयक काय फःपुं नेसम्हा ज्यामि तयता व स्वम्हा ज्यामिपिन्थाय ज्या स्यनय् छ्वता । अलय बःछिया दुनय् अमिसं व ज्या सय्कः काला । अलय वहे ल्याम्होपुं ज्यामितय् गु पुचलं ज्यामित स्वथव खय् ब्वथला । निं स्वप्वः निसें न्हय् प्वतक तःतःप्वं गु प्वःतिड थ्यं मथ्यं नीन्हु लिपा ब्वाइलरया फुक्क प्वः तिड, बांलाक ज्या बिइगु काथं ल्हवना ।

वनलिं ज्यामितय् सं फुक्क कलपुर्जति ल्हवनय् गु ज्या तः लाक याता । प्लान्टं बांलाक व न्हपास्वयो यक्वः ज्या बिल गुकं शांधाइ निं निं प्वडः वगु मागत पूवांक बिय फःगु नपां कलपूर्जा ताडः थःगु क्षमता अप्वयकः यंकल । गुकिं शांधाइया अपलं उद्योग व कृषिता छ्वाड यंकः मुक्तिया इलयस्वयो यक्व हज्याक यंकला ।

डाइरेक्टर जुं उत्पादन गुलि अप्वयो वाना धाय् गु ल्या काँ काँ यंकल । मुक्तिया ईं हाँ अथेधाय् अमेरिकीतय् गु पालय् स्वयो १९५० य् उत्पादनय् २० प्रतिशत क्षमता अप्वयकलसा १९५९ तकखय् ७१ किलोबाट छगु मिनेट्य् इड बियफत । १९६० सेप्टेम्बरतकखय् वांगु दाय॑ स्वयो १.५ प्रतिशत क्षमता अप्व पिकाला । थुगु उत्पादन अप्व पिकाला । थुगु उत्पादन अप्व पिकाय फःगु कम्युनिष्ट पार्टी प्राविधिक क्रान्ति व अविष्कार आन्दोलन न्ह्याकगुलिं खः । ज्यामितय् गु शुद्धिकरणया आन्दोलन लिपा डान्हूया दुनय॑ ६०,००० किलोबाट क्षमता अपः पिकाय् गु आन्दोलन हछ्याता ।

डाइरेक्टर जुं क्षमता अप्वय् कुगु खाँ काँकां यंकल - ३२०० टन कोइला थुगु पावर प्लान्ट न्ह्याकयता मः । उगु कोइलाया कुँ खं जनताया स्वास्थ्यता मनिनिगुलिं द४५ प्रतिशत नियन्त्रणय हला, १७ थर्मल जेनरेटर नपां २० ब्वाइलरया मुक्कं उत्पादन क्षमता ३२३४ हजार किलोबाट दैगु ।

डाइरेक्टर जुं कारखानाया म्हासिड्का, मजदुर संघर्ष व मुक्तिलिपाया प्राविधिक संघर्ष व उत्पादन अप्वयकगु खाँ कानय् धुंकः जिमिगु न्ह्यसः या लिसः बियो दिल । थुगु कारखानाय् गुलि ज्यासानिपुं ज्यामित दःधायाबलय् वयकलं थुगु कारखानाय् ज्या सानिपुं मुक्कं स्टाफ व ज्यामित २१ हजार ६० म्हा दः उकि मध्ये ३३३ म्हा स्वयो अपः मिसापुं ज्यामि दः । क्रान्ति हाँ थुगु कारखानाय् मिसापुं ज्यामि मरु अः आना मिसापुं ज्यामि जक मखु मिसापुं इञ्जिनियरत नं ज्या याई । जिमिसं ज्यालाया खाँ न्युडाबलय् वयकलं धायोदिल थुगु कारखानाय् ज्यासानिपित्ता च्याताजि काथंया ज्यालाबिई । न्हापांगु ग्रेडया ज्यामित ४२ युआन दै अलय् आठौं ग्रेडया मजदुरपित्ता १२६ युआन तक बिई । अलय् ज्यामितय् सं छ्याय् पवाय् काथं ५५ युआन ज्याला दै ।

उकि मिसात मिजंत दक छुट्यम्यासें उतिं तुं ज्याला बी ।

मजदुरतय् गु सहुलियतया खाय॑ वयकलं धायोदिल- ज्यासानय् गु व म्वाय् गु नेपा तुरीं चूयो डाय् गु' कम्युनिष्ट पार्टीया निर्देशन काथं मजदुरतय् सं निं च्याघौज्या सानि ल्यं दःगु ई मजदुरतय् सं थःगु व्यक्तित्व विकास व सांस्कृतिक स्तरच्चवजायकेता अवकाशकालीन स्कूलय छ्वं वानि । ज्यामितय् गु स्वास्थ्यता अपलं बिचःयाई अलय् उपचार निः शुल्क याई । कारखानाया ३५ प्रतिशत ज्यामित बहनिया ब्वनयकुथि व प्राविधिक प्राइमरी स्कूलय छ्वं वानि ।

डाइरेक्टर जुनपां न्ह्यसः लिसः याय् धुंकः जिपुं कारखाना स्वः वाडा । अलय विशेष याडः नियन्त्रण क्वथा व मेमेगु क्वथाय् ल्यासेपुं मिसामस्त है ज्या साडः च्वंगु खाडा । आपामछिंहांगु विशालकाय विजुलीपिकाइगु पावर हावस खाडः जिपुं अजु चाया । उगु कारखानाया स्वन्हं स्वयबलय् वा जिमिता अमिसं स्वइबलय् जिपुंयो याइँचा थें ज्या साडः च्वंपुं ज्यामित नं याइँचा थे जक चिच्याहिक खाडा । अजु चायपुसे च्वं गपा हांगु कारखाना ! जिमिसं थागा काय्ता थाकुल कि याडःशु पु कारखाना गपाहां जक ? थ्यंमथ्यं वाघौति मू मू थासय् चाहिलावलय डाइरेक्टर जुं जिमिगु थी थी न्ह्यसया लिसः बियो दिल ।

कारखानाया क्रान्तिकारी इतिहास न्यनय धुंकः जिमिता बांलागु लिच्चवःलात । कारखानाया तःत हांगु यन्त्र व तब्यागु, तहांगु थाय स्वायो जिमिसं थःता है तांगु थे ताय् कः च्वडा । डाइरेक्टर जुं याडः द्यूगु लसकुस, आदरसत्कारं जिपुं तस्कं लयताया । थुगु कारखानाय् जिमिसं नेघौ स्वघौ विकः है चाहिलः स्वया अलय कारखानाया डाइरेक्टर जुं व ज्यामितय् के विदा प्वडः जिपुं चुन्यान मजदुर निवास स्ववाडा ।

प्रतिनिधिसभा व प्रदेश सभाता नेमकिपां वर्गसंघर्षया थाय काथं छ्यलः वयो च्वंगु दः



नेपाल मजदुर किसान पार्टी निः स्वांगु ड्युदा दत । २०३१ साल माघ १० गते नेपाल मजदुर किसान पार्टीया विधिवत काथं निः स्वांगु खः। मार्क्सवाद, लेनिनवाद, माओ विचारधाराता मार्गनिर्देशक सिद्धान्तकाथं क्यच्याडः पार्टी हज्याड च्वंगु दः। पूँजीवादी सत्ता त्याडः जनताया प्रजातन्त्र, समाजवाद जुजुं साम्यवादी समाज निःस्वानयगु पार्टीया मू तातुना खः। कानुनी व गैरकानुनी संघर्षया थी थी पहः त छ्यलः देश्य् समाजवाद पलिस्था यायता नेमकिपां ज्या साडः च्वंगु खः।

संसार्य् समाजवादया कल्पना मार्क्स, ऐंगेल्स स्वयो न्हपा सेन्ट साइमन, चार्ल्स फ्यूरियो, रोबर्ट ओबेनपिसं यागु खः। वयकपिसं उत्पादनया साधनत सामाजिकीकरण यायमःगु, मनू मनूया दथवी व्यवहार पाक्य् मज्यूगु नपां हलिमयया फुक्क मनूत उत्थें खांकय मः धायगु बिचः प्वंकला। अलय अजगू समाज गथे निःस्वानय् फै धायगु लाँपू क्यनय मफः। उकीं अमिता काल्पनिक समाजवादी जक धाइगु।

सन १९४८ सं मार्क्स व ऐंगेल्स मिलय जुयो 'कम्युनिस्ट घोषणापत्र' च्ययो दिला। वयकपिसं सशस्त्र संघर्षजक संसार्या ज्यामित्यसं पूँजीपति वर्गया शासनसत्ता लाकः कायो मजदूरवर्ग मुक्ति जुय फै दक लाँपु क्यना। अजगू समाज्य् उत्पादनया साधनत सामाजिकीकरण जुझ्गु नपां व्यक्तित्व विकास उथिं गयंकः मौका दइगु खाँ ब्याकः दिल। उकियाता हे मार्क्सवाद जक धाला।

नेपः या कम्युनिस्ट आन्दोलन्य् नं समाजवाद शान्तिपूर्ण

- सुनिल प्रजापति, केन्द्रीय दुजः नेमकिपा

वा सशस्त्र क्रान्तिपाखं धायगु बैचारिक संघर्ष जुजुं वयो च्वंगु दः। शान्तिपूर्ण तरिकां चुनाव्य् त्याकः समाजवाद निः स्वानय फै धायगु बिचः मार्क्सवादया अखः संशोधनवादी विचः खः। उगु खाँ सोभियत संघर्ष नेता स्तालिन सीय धुक्क सन १९४६ लिपा खुश्चेभं हःन्य् हःगु पूँजीवादी बिचः खः। वहे संशोधनवादी बिचः लं याड सन १९९१ तक ख्य् विशाल सोभियत संघ विघटन जुल, विश्व मानचित्रसं सोभियत संघ नं मन्त अलय आना समाजवाद नं मन्त।

नेपालय नं एमाले २०४६ साल लिपा जनताको बहुदलीय जनवादया नामय पूँजीवादी सरकार्य् वाडः समाजवाद निःस्वानयगु संशोधनवादी विचः हछ्याता। संशोधनवादी भण्डारीता नेपः या वर्नस्टिन जक नं धाइगु। वर्नस्टिन मार्क्सया शिष्य खः। व आम्ल परिवर्तन (हयूपा) या पक्ष ख्य् मरु। अलय मजदुरवर्गया हक्क हितया सुधारवादी खाँ जक ल्हाइम्हा। अः एमाले समाजवादी क्रान्तिया लाँपु त्वःतः जवजया नाम्य् पूँजीवादी सरकार्य् वाडः शासन याडः च्वंगु दः। उकिं नेमकिपां एमालेता कांग्रेसया किजा (भाइ कांग्रेस) दक कुंखिड वयो च्वंगु खः। माओवादी नं २०६२/६३ लिपा मदिक्क सरकार्य् वाडः शासक जुयो च्वंगु दः। निर्वाचनं हे समाजवाद निःस्वानयगु धायो २१ औं शदिया जनवादया नारा थ्वयकः च्वना। व छां जनताता भाङ्गः लायगु व विश्वासघाट यायगु ज्या खः।

संसद्य् त्याकः समाजवाद निःस्वानय फै मखु धायगु खाँ विश्व कम्युनिस्ट आन्दोलनं क्यन्य् धुक्कल। सन १९६० या दशक्य् इन्डोनेशियाय् कम्युनिस्ट तय्सं यक्क सीट त्याकला। आनाया पूँजीवादी सरकारं अर्धसमाजवादी सरकार नां छुता। अलय छुँदालिपा हे पूँजीवादी सरकारं कम्युनिस्टतय्ता क्वत्यल छ्वत लाखाँ कम्युनिस्ट तय्ता स्याडः बिला। चिली सन १९७० सं कम्युनिस्ट पार्टीया नेता ऐलेन्डे राष्ट्रपति त्याकला। जब व घरेलु नीति पराराष्ट्र नीति हिल्य् ताना स्वदा दुन्य् हे प्रतिक्रिवादी तय्सं सैनिक 'कू' याडः राष्ट्रपति भवन्य् हे स्याडः बिला। भारतया पश्चिम बद्गाल्य् ज्योति बसुपुं वाममोर्चापाखं तः दा तक शासन याता अथेनं ल्यः।

च्वनय् मफः । केरालाय् पूँजीवादी पार्टीतय्सं कम्युनिस्टतय्गु निर्वाचित सरकारता अपदस्थ (चफुयता) अनेक उपद्रव याता । केन्द्र सरकारपाखं तःक हे संसद भद्रग याडः नेतातय्ता कुडः निर्वाचन याता । थुकाथं शान्तिपूर्ण लाँखं समाजवाद निः स्वानय्गु स्वत धःसा पूँजीवादीतय्सं छु नं इलय् कम्युनिस्टतय्ता सिधयके फः धाय्गु थुड़के मः ।

लेनिन धायो द्यूकाथं क्रान्तिया निंति शासकवर्ग न्हपा याय्थे शासन याय् मफूगु अवस्था व जनता न्हपायाय्थे च्वनय् मः मदय्कगु अवस्थाय् अन्तर्राष्ट्रिय परिस्थिति अनुकुल (काथं छिंसा) क्रान्ति जुङ । धात्थे नेमकिपां चुनावता छ्यलः जनताता राजनीतिक रुं ग्वाकय्गु व छप्पा छधि याडः समाजवादी क्रान्तिया निंति वातावरण दय्केगु नीतिता बः याडः च्वंगु दः । नेमकिपाया कार्यकर्तापुं धेबा कमय् याय्ता अलय् सुविधाकाय्ता राजनीति सांगु मखुसे देश व जनताया सेवा याय्गु मति ज्या साडः च्वंगु दः । प्रतिनिधिसभा व प्रदेश सभा कानुन दय्किगु थाय् ज्गुलिं जनताता भिं मयाइगु कानुनत दय्के मविउगु, जनताता भिं जुइगु कानुन दय्के बियगुलि ग्वाहाली याय्गुलि भीपुं सांसदपिसं ज्या याडः वयो च्वंगु दः । नेमकिपां चुनावं समाजवाद वै दक विश्वास याइमखु । संसदता नं वर्गसंघर्षया थाय् काथं कायो च्वंगु दः अलय् अः तक नेपाल मजदुर किसान पार्टीया सांसदपिसं पार्टीया नीति व निर्देशन काथं उकिता व्यवहारय् क्यडः छ्यलः वयो च्वंगु दः ।

नेमकिपां निःस्वांसां निसें प्रतिक्रियवादी संघ संस्थाय् द्वाहँ वाडः ज्या याय्गु लेनिनवादी नीति क्यच्याडः वगु जुल । राजनीतिक पार्टीत चाय्के मरुगु प्रतिबन्धित इलय् नं थव पार्टी पञ्चायतया चुनावय् ब्वति कायो जनताया सेवा याडः वला । नगर पञ्चायतय् त्याकः वांपुं जनप्रतिनिधिपिसं पञ्चायत लय पौ खय् फुक ल्याचा पिब्बयो न्ह्यकनय् स्वय्थे पारदर्शिता क्यना । प्रौढ कक्षा ब्वंकः, सुचुकुचुया आन्दोलन, लाहातय् ज्या दैगु तालिमत बियो त्याकः वांपुं जनप्रतिनिधि पिसं जनताया सेवा याता । २०४५ साल भाद्र ९ गते पञ्चायती व्यवस्थाया राज्यस्तरं हे जः ग्वयो ‘भक्तपुरकाण्ड’ याड पार्टीता हे हाँगः नपां लिड छ्वयगु कुतः याता । अलय ब्रु पञ्चायती व्यवस्था थः हे क्वदला ।

पार्टी निस्वांसां निसें हे महाकाली, गण्डक, कर्णाली थजगु राष्ट्रधाती सन्धी समझौताया विरोध यायां वगु अःलिपाया चरण्य् एमसीसी, राष्ट्रधाती नागरिकता विधेयक व एसपीपीया विरोध ज्या इवः नं मदिक्क न्ह्याकः च्वंगु दः । अमेरिकी साम्राज्यवाद इराक व लिबियाता यागु आक्रमणया विरोध याता । अः अमेरिकी साम्राज्यवाद्या ग्वाहाली खय् इजरायलं प्यालेस्टिनी जनताता यागु वर्वर आक्रमण व नरसंहार याडः च्वंगुया विरोधय् नं नेमकिपाया काच्चां जिल्लाय

सचिष्ठत नीखुगूगु ख्वप पौ बःछि पौ(पाद्धिक)

आन्दोलन याडः च्वंगु दः । थव कम्युनिष्ट तय्गु अन्तर्राष्ट्रवादी कर्तव्य खः उकिनेमकिपां उगु कर्तव्य याडः च्वंगु दः ।

अमेरिकी साम्राज्यवाद, भारतीय विस्तारवाद नेपःया सार्वभौमिकता स्वतन्त्रखय् यागु क्वत्यलाया विरोध नपां प्रतिक्रियवादी शासक दल तय्सं यागु जनबिरोधी मज्यगु ज्याया न्ह्याब्ले विरोध यायां नेमकिपां नेपःया कम्युनिस्ट आन्दोलनय मताया ज्या याडः वगु दः ।

नगरपालिकाया जनप्रतिनिधिपुं संविधानं धःथे समाजवादउन्मुख ज्या याडः च्वंगु दः । देशय् समाजवाद पलिस्था यायता निर्वाचित पासापिनिपाखं नं फक्व ग्वाहाली याय्मः । जनप्रतिनिधिपुं नं पार्टी कार्यकर्ता हे ज्गुलिं पार्टीया नीतिता व्यवस्थित काथं छ्यलय्ता जिपुं मदिक्क हज्याडः च्वडा ।

सशस्त्र क्रान्तिखय् त्याक्य व जक नं निर्वाचनय् अपः भोत काय् फै धाय्गु नं सत्य मखु । सन १९१७ या अक्टोबर क्रान्तिलिपा सोभियत संघय ज्गु विधानसभाया चुनावय् बोल्सेभिक पार्टी २५ प्रतिशत जक मत काय फता । बुर्जुवा पार्टी १३ प्रतिशत व मेन्सेविक व मेगु पार्टी ६२ प्रतिशत मत काला । सन १९१८ जनवरी ५ खय् उगु निर्वाचित विधान सभाता नेता लेनिन विघटन याडः समाजवादी नीतिता छ्यला । विधान सभाता संविधान दय्केगु मौका ब्यूगु जूसा सोभियत संघय् समाजवादी व्यवस्था हछ्याय् फैगु मखु । उकिं खःथे जक दयकः तःगु संरचनाय् द्वाहँ वाडः कम्युनिस्टतय्सं समाजवादी नीति छ्यलय् मफैगु जक मखु । असम्भव हे जुइगु । उकिं कम्युनिस्टतय्सं पुलांगु राजसत्ता ल्यांगु द्वायै ल्हानय्गु ज्या सच्चा कम्युनिस्ट व क्रान्तिकारी पिनिगु थौं या जिम्मेवारी नपां कर्तव्य नं खः । वहे जिम्मेवारी व कर्तव्य पू वांक्यता नेमकिपाया कार्यकर्तापुं मदिसें हज्याडः च्वंगु दः । नेमकिपाया हनय् वहस्ता नायो भाजु का. रोहित जुं धायो द्यूथे सिद्धान्त व बिचः त्वःत जुइपिनिगु अवस्था च्वाप्वगुँ लुल्लल त्याइँ म्हेतय् थें जुइ अथेधाय् अपुं क्व मब्बासे मगा । सकले नेता कार्यकर्तापुं समाजवादी व्यवस्था निःस्वानय् मधुंतलय् थाकु मचःसे मदिसें समाजवादया ह्योंगु द्वायै ब्वयक हज्याय नु । नेमकिपाया ड्यूदा क्यांगुया लसताय् सकले नेता कार्यकर्ता व भिं म्हयो च्वंपिता दुनुगलं निसें भिन्तुना ।

(नेमकिपाया केन्द्रीय दुजः सुनिल प्रजापति जुं माघ ९ गते नेमकिपाया ५० दा क्यंगु लसताय बियो द्यूगु न्वचु)

नेमकिपाया गौरवपूर्ण बाग् शदितकया मदिसें छिगु पला

- विवेक

नेपाल मजदुर किसान पार्टीया ५० दाया पलिस्था दि २०८० माघ १० गते जिल्ला, स्थानीय तह, बडा व त्वालय-वालय तकया पार्टी समितिता पार्टीया पिथनात, क्रान्तिकारी नेतातय्गु जीवनी, विश्वया मजदुरतय्गु व कम्युनिष्ट आन्दोलनया अध्ययन व अन्तरक्रिया याकः कार्यकर्ता, शुभेच्छुक व जनताया सांस्कृतिक व राजनैतिक स्तर च्वजाय्केगु नपां अध्ययन व अन्तरक्रिया संस्थापु दःगु विषयसं इतिहास व देशया भूगोल नं छ्वंकय्गु, छ्वनय्गु यात ।

नेपाल मजदुर किसान पार्टीया न्हयगृह महाधिवेशन लिपाया डाकगु केन्द्रीय परिषदं च्वयया खाँ क्वः छ्यगू खः । पुस २७ व २८ गते पार्टीया नायोभाजु नारायण मान बिजुक्त्यांया नायोसुइ च्वंगु केन्द्रीय परिषदं थी थी राष्ट्रिय अन्तर्राष्ट्रिय प्रस्तावत पारित याडः क्वचाल । दैगु माघ १० गते नेमकिपा ५० दा क्यनिगु जुल । २०८१ साल माघ १० गते नेमकिपा पलिस्था यागु खः । समाजवादी देश सोभियत संघं च्चियाहाङु व कमजोर देशता आर्थिक गवाहालीया नामय् क्वत्यल व हस्तक्षेप यागुलि सोभियत रुसता स्वइगु मिखा व भारतया गवाहालीखय् पूर्वी पाकिस्तान स्वतन्त्र दे (बढगलादेश) क्वः छ्यूसेलिं उब्लेया नेकपा दुनय् वगु बिचः या भिन्नतां नेपाल मजदुर किसान पार्टी निःस्वानय्गु लिधंसा जू वान । शत्रु व मित्रया खायै पञ्चायती सरकारं यागु निर्वाचनय् छ्वति काय्गु खायै नं बिस्कं बिस्कं बिचः वगुलिं पार्टी बायो वानय् मःगु खः ।

मार्क्सवाद, लेनिनवाद व माओत्सतुड विचारधाराता मार्ग निर्देशक सिद्धान्तकाथं कः घाडः वगु नेपाल मजदुर किसान पार्टी निः स्वांसां निसें बाग् शदिं तक सामत्तवाद, पूँजीवाद, उपनिवेशवाद व साम्राज्यवादया विरुद्धय मदिसें संघर्ष याडः वगु दः । पद व धेबाया ल्यूनय् ब्वाकः मजूसें ज्या साडः नैपुं वर्गता शासक वर्गय् थ्यंकय्गु तातुडः जनताया सेवासं हज्याडः इमानदार जुयो ज्या साडः वयो च्वंगु नेपःया छगू हेजक पार्टी खः, नेपाल मजदुर किसान पार्टी ।

नेमकिपाता हाँगः लिसें हे लिडः छ्वय् दकः यक्वसिनं कुतः यात, अथेनं मफः । उब्लेया पञ्चायती सरकारं २०४५ सालय् राज्यस्तरं हे जः गवयो 'भक्तपुर काण्ड' याडः धू थानय्गु कुतः याता अथेनं मफः । बहु पञ्चायती व्यवस्था हे धू जूला । बहुदलीय व्यवस्था वयानि 'एमाले या डोजर अ-छ्वपय पाखय' धायो नेमकिपाया विरोधय् अभियान हे न्हयाकला । व नं तःलाकय् मफूसेलिं नेमकिपा

तछ्याय्गु कुतः याता । नेमकिपां त्याकः वांपु सांसद व थी थी तहया जनप्रतिनिधिपु एमाले दुकायो नेमकिपा क्वचाथलय्गु कुतः नं असफल जूला बरु एमाले हे क्वचा दयो वाना । २०६२/६३ लिपा माओवादी नं पञ्च व एमालेया पलाख्वायै ख्य डायो नेमकिपाया विरोधय् क्वहँ वला । माओवादीया नायो प्रचण्ड थमनं हे नेमकिपा तछ्याय्गु कुतः याडगु खः जक धाला । सार्वजनिक रूपं वं धाला - नेमकिपां गथे याडः छ्वपय् ज्या सांगु खः शिक्षा, स्वास्थ्य, रोजगारीया लागाय् तछ्याय् धायो तःतः हाँगु पार्टी कुतःयाता अथेनं मफः ।

धात्थे नेमकिपा पद व धेबायालागिं पलिस्था यागु पार्टी मखु सुनं मतितयवं तासया छू थें फु याय् वं थुयता । नेमकिपा बिचः व सिद्धान्तया लिधंसाय् निः स्वांगु पार्टी खः । बिचः व सिद्धान्तं र्वापुं कार्यकर्तात दःगु पार्टी गथे जुइ दकः क्यडः च्वंगु पार्टी खः थै या नेमकिपा । देश व जनताया इमानदार जुयो सेवा याय्गु हे राजनीति खः धाय्गु मान्यता नेमकिपां थौं खाँ खं मखु ज्याखं व्यवहारय् क्यडः वयो च्वंगु दः । थी थी काथंया हण्डर, जः जः व तस्कं थाकुगु संघर्ष यायां नेमकिपा थौं नेपःया कम्युनिष्ट आन्दोलनया छ्खा थिगु मता थैं च्याडः धुसिसिंमाः थैं छतिं हे इगिदिगी मसांसे धस्वाडः च्वंगु दः ।

बाली लय्गु, भर्पाई कायो बियगु, मोहियानी हक सुरक्षाया आन्दोलन थजगु किसान आन्दोलनया जगय् दाडः वगु नेमकिपा थिकय् यागु बजार भःया विरोधय् भ्रष्टाचार विरोधी आन्दोलन नपां देया राजनैतिक आन्दोलनया नं महत्वपूर्ण भूमिका यायां वयो च्वंगु दः । अः याय्गु लूँ काण्ड, ललिता निवासया जग्गा काण्ड, तक्कली भूटानी शरणार्थी काण्ड थजगु मज्यूगु व मभिंगु ज्या याडः व पिन्ता कडा कडागु कारवाही याय् मः दक सः तयो वगु दः । भारतं नेपःया सुस्ता महेशपुर, इलाम, लालपट्टी व तिलाठी नपां कालापानी थजगु थी थी थासय् जग्गा त्यलः कःगुया विरोधय् थजु वा लाखौं भारतीय नागरिकपिन्ता नेपःया नागरिक दयकिगु मति पारित यागु देशधाती नागरिकता विधेयकया विरोधय् थजु नेमकिपा सदन व सडकय् याकचा जूसां विरोध याडः वगु दः । नेपःव भारतया दथ्वी जूगु राष्ट्रधाती सन्धीत महाकाली सन्धी गण्डक, माथिल्लो कर्णाली, पश्चिम सेती, अरुण तेसो थजगु सन्धीत थजु व अः तिनिया नेपःया भूमिसं सरकारकय् मन्यांसे २० करोडतका भारतीय दूताबासं खर्चयाय् दैगु सम्भौता थजु नेमकिपां मदिसें विरोध याडः वगु दः ।

भियतनाम, इराक, लिबिया, अफगानिस्तान थजगु देशय् अमेरिकी साम्राज्यवादं यागु बर्बर आक्रमणया विरोध, प्रजग कोरिया व क्यूबाता याड़ तःगु नाकाबन्दी व आक्रमणया धम्कीया विरोधय् अलय क्यूबा, अफगानिस्तान, इराक, लिबिया, प्रजग कोरियाया न्यायप्रेमी जनताया ऐकवद्वता आन्दोलनय् समर्थन यायां नेमकिपां अन्तराष्ट्रिय कर्तव्य नं पू वांक वगु दः।

अःलिपाया इलय देशता हे अमेरिकी साम्राज्यवादया उपनिवेश दयकिगु एमसीसी सम्भौताया विरुद्धय नेमकिपां संघर्ष न्ह्याकः च्वंगु दः निसा अमेरिकी गवाहालीख्य् इजरायलं प्यालेष्टानी जनताता थःगु देशं हे बिसिक्य् छ्वयूगु काथं याडः च्वंगु बम्बारी, नरसंहारया विरोधय् नपां प्यालेस्तानी जनताया देशभक्तिपूर्ण आन्दोलनया समर्थनय् ऐकेवद्वता प्वकः वगु दः।

नेपाल मजदुर किसान पार्टी सिद्धान्तया मामिलाय सुं नपां सम्भौता याइ मखु। सिद्धान्तया अखः ज्या साडः जनताता ठग्य् याडः च्वंगु एमाले व माओवादीया ख्वःपा मुइक बियगु ज्या नं नेमकिपां याडः वयो च्वंगु दः। कम्युनिष्ट पार्टीया नामय पूँजीवादी सरकारय् दुथ्याकः सरकारया न्ह्यलुवा याडः पूँजीवादया जगता भन बल्लाकयगु ज्यासाडः च्वंपिनिगु विरोधय नेमकिपां सैद्धान्तिक संघर्षयाडः वयो च्वंगु दः। नेमकिपां नं चुनावता प्रतिक्रियावादी तयगु मभिंगु ज्यायागु खाँ मुस्या प्वः थे प्वलय्ता व जनता ग्वाकयता छ्यलः वयो च्वंगु दः। शान्तिपूर्ण इलय जनताया दथ्वी वाडः ज्या सान्यता चुनावता छ्यलयूगु ज्या ज्यूसां पूँजीवादी सरकारय् द्वाहूं वानयूगु धाय्गु पूँजीवादय् हे पार्टीता क्वचाय्केगु खः धाय्गु खाय॑ नेमकिपां बालाक थु।

नेमकिपां ल्हांगु क्रान्तिकारी ध्वाय॑ हे थौ थव देया कम्युनिष्ट पार्टीया ध्वाय॑ जुजुं वगु दः। उकिता क्वथलय्ता अपलं प्रतिक्रियावादी पिसं कुतः यात अथेनं अपुं तः मला। अजपुं प्रतिक्रियावादी तयगु जः इयारभिर खुडः, अमिगु षड्यन्त्रया पंगः हाकुं चायो नेपाल मजदुर किसान पार्टी अभ स्यल्लाक, धिसिलाक पलाछिडः जुभार जुयो हज्याइ।

नेमकिपां चुनावं समाजवाद पलिस्था याय फै मखु धाय्गु बालाकथु। चुनावता जनताया राजनैतिक व सांस्कृतिक स्तर च्वछाय्गु छ्गु राजनैतिक संघर्ष काथं जक काई। जनताया चेतनास्टर गुलिदता जक दाडः स्वइगु दापु (व्यारोमिटर) काथं प्रतिक्रियावादी संघ संस्थाय् द्वाहूं वाडः जनताया सेवा याय्गु नीतिकाथं नेमकिपां चुनावता छ्यलः वयो च्वंगु दः। अः याय्गु इलय स्थानीय, प्रदेश व संघीय निर्वाचनय् ब्वतिकायो त्याकः वापुं प्रतिनिधिपिसं जनताया सेवा याडः च्वंगु दः।

२०३६ सालया आन्दोलन व २०४६ सालया आन्दोलनता

सचिष्ठ नीखुगूगु ख्वप पौ. बःछि पौ(पाद्धिक)

स्यल्लागु भूमिका यायां वगु नेमकिपां २०६२/६३ या आन्दोलनता निर्णायक थासय थ्यंकय्ता संसद हकनं म्वाकः ह्यता माग यागु न्हपांगु पार्टी खः। लिपा वहे ७ गू दलया मकःगू माग जुल। उकिं देश गणतन्त्रय् वानयूगु लाँपु चाय्केता अः पुल।

जनआन्दोलनय् जनतां इच्छा याकाथं शासक दल तय्सं ज्या याय् मफूत। पञ्चतय्सं छिगू पला ख्वाय॑ख्य् हे पला छिडः नेका, एमाले व माओवादी दलया शासक पिसं पलाछिड च्वंगु दः। जनता निराशा, असन्तोष नपां तम्वयक च्वंगु दः। गुकि थौ १५ दा २० दा हाँ मसानधाटय् उय धुंगु राजतन्त्र हकनं लिफिड ह्यमाला दकः द्वलंद्व जनतात उकिया लिनय् लिनय् वाडः च्वंगु दः।

शासक दलपिसं पार्टीया सिद्धान्त व निर्वाचन घोषणापत्र काथं ज्या मया। दलगत व थः भिनिगु दक ज्या याडः जुला। गरिब व ज्यासाडः नैपुं जनतां निरंकुश राजतन्त्र, सबैधानिक राजतन्त्र व गणतन्त्रय् भ्या भांति हे पागु महशुस याय् मखां। न्हपा न्हपा राजा व राजतन्त्रय् कायो च्वंगु सुख सुविधा थौं शासक दलया नेता व कार्यकर्तापिसं कायो वयो च्वंगु दः। म्हेगः छम्हा जुजु दः थाय् थौं सलंसः जुजु पुं दता, दे फ्वाका जुलदक जनतां सः प्वकः वल। नेपाली जनताया शासक दल, नेता व कार्यकर्ता अलय् राजनीति हे पंगु मति तयो पंख्वः ज्याडः हल। गुकिं स्वतन्त्र धःपुं थाय् थासं त्याडः वल। शासक दलं थःगु पहः ल्हवडः भिंक यंकय् मफूत धःसा वैगू दिनय् उकिया ल्या भन अप्वर्द्धिगु खानय् दः।

नेमकिपां थौं तकया इतिहासय सैद्धान्तिक ल्याखं सुनं धिकारधाय्के मःगु मरुनि। छ्गु छ्गु विषयलय् ग्यसुलागु व धिसिलागु निर्णय् यायां जनताता समाजवादी लाँपु डाय्केगु कुतः याडः च्वंगु दः। थव परिपक्व कुशल व लिपाथ्यंकया बिचः याय् फःपुं न्ह्यलुवा पिसं याडः ज्गु खः। थौं या न्हंगु पुस्तां पार्टीया न्ह्यलुवा पिसं यागु त्याग, तपस्या व बलिदानं सय्कः सिइक हज्याइगु आशा याय् छिं। नेमकिपां ल्हांगु क्रान्तिकारी ध्वाय॑ हे थौं थव देया कम्युनिष्ट पार्टीया ध्वाय॑ जुजुं वगु दः। उकिता क्वथलय्ता अपलं प्रतिक्रियावादी पिसं कुतः यात अथेनं अपुं तः मला। अजपुं प्रतिक्रियावादी तयगु जः इयारभिर खुडः, अमिगु षड्यन्त्रया पंगः हाकुं चायो नेपाल मजदुर किसान पार्टी अभ स्यल्लाक, धिसिलाक पलाछिडः जुभार जुयो हज्याइ। धेबा व पदया लोभ मयासें नेमकिपाया नेता, कार्यकर्तापुं आधा शताब्दी ल्वाय धुंकल, मालः धःसा मेगु शताब्दी तक न ल्वाडः च्वनितिनि। देशय् जनताया प्रजातन्त्र जुजुं समाजवाद अलय साम्यवादी समाज निः स्वानय मधुंतलय थाक्, मचःसें मदिसें ल्वाडः हज्याडः च्वनि तिनि। च्वाव गुं न्यालः बःवगु गण्डकी, कोशी, कर्णाली व महाकालीया यच्चुगु नाः न्ह्याडः च्वंथे। थवहे नेमकिपाया ५०दा क्यंगुया लसताय नेमकिपाया कार्यकर्ता, भिं म्हूइपुं शुभचिन्तकपिन्ता दुनुगलं निसे भिन्तुना नपां लसहना।

“साहित्यय प्रगतिवाद” सर्वबन्धय् छुं चर्चा

प्रा. माणिक लाक श्रेष्ठ

(थव लेख्य प्रगतिवादी साहित्यया स्वरूप सम्बन्धी छुं विस्तृत व्याख्या वा सामान्यया परिभाषा बिङ्गु तक नं कुतः यानागु मखु, साहित्यया वर्गीय दृष्टिकोणं स्वयेगु धारणा पिदनाली जनपक्षीय साहित्य, सर्वहारा साहित्य, प्रगतिवादी साहित्यया विकास ज्ञागुया इतिहासया चर्चा नं जिं यायेत्यनागु मखु, अथे हे नेपालया वा नेपालभाषाया साहित्यय् जक नं प्रगतिवादी साहित्य सम्बन्धी अध्ययन नं थव मखु, थव लेख्य ला ‘साहित्यय् प्रगतिवाद’ वा ‘प्रगतिवादी साहित्य’ सम्बन्धय् जिगु मनय् च्वंगु निता प्यता खँ पाठकपिनि दथुइ तयेत्यनागु जक खः। - लेखक)

साहित्यय् प्रगतिवाद छाय् माल वा गथे वल धयागु खँ बालाक थुइकेत भीसं साहित्यया महत्व छु, थुकिया आवश्यकता छाय् धका: छकः बिचाः यायेमाः। थौ जक मखु द्वलद्वः दँ न्यः हे मनूयात साहित्य मदयेक मगाःगु वस्तु धका: च्वया थकूगु खनेदु। संस्कृत साहित्यया छस्न् प्रसिद्ध समालोचक भर्तहरिं ‘साहित्य, संगीत व कला स्वतां मदुम्ह मनू ला न्यक् व न्हिपं मदुम्ह पशु खः’ धका: न्वानाथकल। ख नं खः, पशुयात जक नये त्वने दयेवं गा:, तर मनूयात ला उलिं मगाः। ख जा नये त्वने पुने व च्वनेया व्यवस्था मनूयात दकले माःगु वस्तु खः, थव स्वता वस्तु मनूया अस्तित्वया नितिं मदयेक मगाःगु वस्तु जुल, तर थव फुक्क दयेवं मनूया लुदनी मखु, मनूया जीवनयात साहित्य व कला (संगीतयात नं जिं कलाय् दुथ्याका) नं मदयेक मगाः। साहित्य व कला मदुगु जीवन भीसं कल्पना हे याये मफु।

साहित्य व कला मनूया चिन्तनया फल खः, मनूया जीवनयात साहित्य व कला मदयेक मगाः। मनूया जीवनयात पशुया जीवन सिकं पा: धका: भेद क्यनेगु वस्तु

मध्ये साहित्य (व कला) या महत्व न्हयाक्व हे दुसां थव महत्वयात पाय्छिकथं थुइके फयेमा:। थव महत्वयात गलतकथं थुइकेगु, अर्थात् पाय्छि सिकं अप्वः वा म्हो महत्व विङ्गु मतलब गलत निष्कर्षय थ्यकेगु जुइ।

थुथाय् लाकक छगु उदाहरण काये। भीगु देशया पूँजीवादी उदारवादी प्रजातन्त्रया हिमायती छम्ह प्रसिद्ध स्वर्गीय नेताया छगु उक्ति वया अनुयायीत्यसं बराबर उद्घृत याइगु। उगु उक्ति थुकथं दु- ‘मनूया क्रियाकलापया संचालन वया नसा, त्वंसा मखु, न्हयपुं संचालन याइगु।’ थव उक्तिया उद्देश्य मनूया जीवन नये त्वने वस्तुया महत्वयात त्वपुइगु खः, अले उकिया अर्थ सम्पूर्ण जनतायात नये त्वनेया बन्दोबस्त सुरक्षित जुइगु व्यवस्थाया नितिं विश्व सकभनं जुयाच्वंगु श्रमिकतय् आन्दोलनयात विरोध यायेगु सूक्ष्म षड्यन्त्रया छगु अंग जक थव खः। मनूया क्रियाकलापया संचालन वया न्हयपुं याइ धयागु खँ सत्य खः, तर थुकिया मतलब नसां याइगु मखु धायेफइ मखु, नये मखंसा न्हयपुं हे ज्या याइ मखु, अभ्य ल्यनाच्वनी नं मखु।

न्हाचः धाये धुंये ‘नये त्वने, पुने व च्वनेया बस्तु मनूया अस्तित्वया हे नितिं मदयेक मगाःगु भैतिक आवश्यकता खः’, तर मनूया सन्तुष्टि जुइत थुलि जक मगाना साहित्य नं मालावइ। तर नये त्वने, पुने व च्वनेया ज्वलं हे चूलाके मफइगु स्थितिइ साहित्य बालाक न्हयज्याके फइमखु। नये त्वने, पुने व च्वने थाय्या चिन्तां मुक्त जुइव मनूयात साहित्यया आवश्यकता भन अप्वः मालावइ।

मनू व पशुया छगु भेद छु धा:सां मनुखं प्रकृतिया बन्धन व समाजया दासता चिका: च्वनेगुयात सह याइ मखु, प्रकृति व

समाजया खिपः चफुइत कुतः याइ। प्रकृतियात त्याका: प्रकृतियात हे हिलेत स्वइ, समाजयात न्यायपूर्ण जुइक पुनर्गठन यायेत स्वइ, धात्यें प्रकृति व समाजया मालिक जुइधुंकुम्ह मनू हे जक सच्चा मनू खः। दासतां मुक्त जुइधुंकूगु स्वाधीन समाजया मनू हे जक प्रकृति व समाजया मालिक जुइ। थथे ज्ञालिं प्रकृति व समाजया बन्धनया खिपः चफुइ धुनेव नं मनुयात साहित्य (व कला)या आवश्यकता भन अप्वइ।

प्रकृति व समाजया बन्धनं गुलि अप्वः मुक्त जुइफत, नये, त्वने, पुने व च्वनेया चिन्तां गुलि मुक्त जुइफत मनूया जीवनयात साहित्य (व कला) या आवश्यकता नं उलि हे अप्वः दइ। थव बन्धनं, थव चिन्तां मुक्त जूलिसे साहित्य भनभन मालावइ धयागुया अर्थ जीवनय् पूर्णता दःलिसे साहित्यया माग अप्वइ, साहित्यप्रति रुचि अप्वइ, महत्व नं अप्वइ।

थुकिया मतलब शोषण व दासतां मुक्त जुइधुंकूगु समाजयात जक साहित्यया आवश्यकता, साहित्यया महत्व दु धयागु मखु। मुक्त समाजय् साहित्यया आवश्यकता व महत्व थहाँ वनीगुया कारण हे छु धा:सां मुक्त समाजय् जक जीवन पूर्णता वयेफइ, अले साहित्य धयागु जीवनय् पूर्णता हयेत माःगु छगु वस्तु खः। थथे जीवनया पूर्णतालिसे थुलि क्वातुगु स्वापू दुगु वस्तु साहित्यया महत्व जनता मुक्त यायेत जुइगु संघर्षय नं यक्व दइ। अर्थात् शोषण व दमनं मुक्त जुयेत जनतां याइगु संघर्षय नं साहित्यया तःधंगु भूमिका दु, तर उगु साहित्य जनताया संघर्षया पैं लीगु साहित्य जुइमाः। थज्याःगु हे साहित्य प्रगतिशील साहित्य खः, अले साहित्यय् थज्याःगु दकले क्वातुगु

सचिष्ठ नीखुगृगु ख्वप पौ. बःछि पौ(पाद्धिक)

प्रगतिशील साहित्य, प्रगतिवादी साहित्य खः ।

थथे धायेबलय् भीसं साहित्ययात 'प्रगतिशील साहित्य' व 'प्रगतिशील मखुगु साहित्य' धका: भेद यानागु जुल, अथवा मेकथं धायेबलय् साहित्यया प्रकार दत दासतां मुक्त जुयेत संघर्ष यानाच्चवपि जनताया मुक्ति संग्रामया पं लीगु साहित्य व उकिया पं मलीगु वा अभ उकिया विरोध याइगु साहित्य । थुकिया मतलब साहित्य जीवनया छगू आवश्यकताया नापं छगू साधन खः । जीवनयात मा:गु छगू आवश्यकता जूगुलिं थुकियात छगू साधनया रूपय् छ्यलेगु ज्या जुयां च्वनी । भौतिक जीवनयात मा:गु मदयेक मगाःगु नयेगु, त्वनेगु, पुनेगु व च्वनेगु वस्तु दयेकीगु उत्पादन साधनयात नियन्त्रण याना समाजय् थःगु अधिपत्य तयेगु व समाजय् थःगु वर्गीय प्रभुत्व तयेगु ज्या शोषक शासकतय्सं यानाच्वंगु ला द हे दु । तर थज्याःगु भौतिक साधनयात जक अमिसं छ्यलीगु मखु समाजय् थःगु आधिपत्य कायम है याना तयेत अमिसं सेना, प्रहरी आदि सशस्त्र शक्ति व धर्म, कानून आदि सूक्ष्म साधन नं छ्यली, धर्म व कानून थे साहित्य नं छ्यलाच्वनी ।

थुकथं साहित्ययात शोषकतय्सं थःगु स्वार्थया निंति छ्यःसा अर्थात् थःगु आधिपत्य कायम यानातयेत वा समाजय् परिवर्तन वयेके मबिइत छ्यलेगु यासेलि अमि विरोधी शक्ति साहित्ययात थःगु पक्षय परिवर्तनया पक्षय जनताया मुक्तिया पक्षय् छ्यलेमा:, क्रान्तिकारी संघर्ष न्हयज्याःथाय् थथे छ्यलाच्वंगु नं दु । जनता मुक्त जुइत, स्वाधीन जुइत, छु हे प्रकारया दासता स्वीकार याये मज्य् शोषकतय्सं धर्मयात साधन यानाच्वंगुयात क्वःथलेमा:, दासताया कानून्या विरोध यायेमा:, अले शोषकया सेवा याइगु साहित्ययात क्वःथलाः जनताया सेवा याइगु साहित्यया निर्माण यायेमा: ।

जनपक्षीय साहित्य धायेवं हे थुकियात सर्वहारावादी साहित्य, कम्युनिष्ट साहित्य धाइपि नं दु, तर थव धारणा गलत खः । जरुर नं सर्वहारावादी साहित्य (प्रगतिवादी) हे जुइ, जनपक्षीय जुइ । तर प्रगतिवादी साहित्य जक प्रगतिशील साहित्य खः धाये मज्य् । समाजयात न्हयज्याकीगु साहित्य प्रगतिशील साहित्य खः, अले थौया पूँजीवादी शोषण विरुद्ध ल्वाइगु सर्वहारावादी प्रगतिशील साहित्य, प्रगतिवादी साहित्य खः । विश्वय् श्रमिक वर्गया आन्दोलन शुरु जुइ न्ह्यः हे अभ सर्वहारा वर्गया जन्म हे जुइ न्ह्यः नं जनपक्षीय साहित्य दु, प्रगतिशील साहित्य दु । फ्रान्सया राज्यकान्ति जुइ न्ह्यः जीन जेके रस्सों च्वयातःगु कृतिं सामन्ती प्रभुत्वया विरोध यासें उदारवादी (पूँजीवादी) प्रजातन्त्रया समर्थन यात, उकिं फ्रान्सया सामन्तवाद विरोधी क्रान्तियात बल बिल, रस्सोया साहित्य प्रगतिशील साहित्य खः, जनपक्षीय खः । थुकथं भीसं थुइकेमा:गु खं सर्वहारा साहित्य धयागु सर्वहारा वर्गया सेवा याइगु साहित्य खः, पूँजीवादी साहित्यं पूँजीपति वर्गया सेवा याइ । जनपक्षीय साहित्य धयागु बहुसंख्यक जनताया पक्ष काइगु साहित्य खः, अले प्रगतिशील साहित्यं समाजय् ह्यूपा: वयेके मबिसे पनेत स्वइपि समाजयात न्हयज्याके मविइपिनि विरोध यासे समाजयात न्हयज्याकेगुली बःबीगु, परिवर्तनयात बल बीगु साहित्य खः । सामन्ती शोषणया विरोधय् जनतां संघर्ष यानाच्वंगु इलय् पूँजीवादी साहित्य जनपक्षीय साहित्य खः, प्रगतिशील साहित्य खः, तर पूँजीवादी शोषणया विरोधय् श्रमिक जनतां संघर्ष यानाच्वंगु समाजय् पूँजीवादी साहित्ययात प्रतिक्रियावादी, प्रगति-विरोधी, जन-विरोधी साहित्य धायेमा: ।

थुकिया मतलब प्रगतिशील साहित्य, क्रान्तिकारी साहित्य, जनपक्षीय साहित्य धायेगु वा प्रतिक्रियावादी साहित्य,

प्रतिगामी साहित्य, जनविरोधी साहित्य धका: धायेगु समाजया स्थिति सापेक्षिक वस्तु खः, अथवा गुगुं साहित्य समाजया स्थिति स्वयाः प्रगतिशील वा प्रगति विरोधी जुइ । उकथं हे सामन्ती साहित्य, पूँजीवादी साहित्य, सर्वहारा साहित्य धका: धयागु नं वर्ग-सापेक्ष वस्तु जूगुलिं साहित्यय् नैतिकता धयागु खं वर्ग-हितनाप सम्बन्धित खं खः ।

विश्वय् मानव समाजया विकास क्रमय् शिकार यानानइगु अवस्था पुला वयेव अर्थात् उत्पादन साधनय् समाजया छगू समूह मनुया स्वामित्व व नियन्त्रण कायम जुयेव समाज वर्गय् विभाजन जुल, वर्गीय शोषण शुरु जुल उत्पादन साधन गुम्हसिया ल्हातिइ लात, समाजया मालिक नं अपि हे जुल । अले ला व हे स्थिति तयातयेत अमिसं सने मछिंक च्वनेमाःपिंसं उकियात हिलेत सन, अले साहित्यय् नं कि त यथास्थितिया समर्थन यायेगु कि परिवर्तनया सः तयेगु वा उकियात बः बीगु निगू प्रवाह वल । समाजय् प्रभुत्व तया च्वपिके यक्व साधन थःगु ल्हातिइ दुगुलिं थःगु स्वार्थया समर्थन याइगु साहित्य व्वलंकेफत, अथेसां इयल्ब्यलय् विद्रोही साहित्य ने पिहाँ वःगु दु ।

थुकथं साहित्य व कला धयागु वस्तु विभिन्न वर्गया सेवा याइगु वा थी थी वर्गया स्वार्थय् च्वया तइगु जूगुलिं विभिन्न प्रकारयागु हे दइगु जुल । भूमिपति व भारदारतय् निंति च्वयातःगु साहित्य सामन्ती साहित्य खः । भीथाय् न्हापा न्हापाया आपा: धयायें साहित्य थज्याःगु सामन्ती साहित्य खः । थौतक नं भीगु साहित्यय् सामन्ती प्रवाहया गाक्कं प्रभाव दनी । अले मुक्कं सामन्ती मखुसां देशया सामन्त वर्ग, दलाल-पूँजीपति वर्ग व प्रशासक पूँजीपति वर्ग व भीथाय् प्रभुत्व तयाच्चवपि विदेशी एकाधिकार पूँजीया मंका: स्वार्थया प्रतिनिधित्व याइगु जन-विरोधी साहित्य नं भीथाय् दु । थव निगुलिं प्रकारया प्रवाहया विरोध याइगु व थव निगू

सचिष्ठव नीखुगृगु ख्वप पौ. बःछि पौ(पाद्धिक)


प्रकारया साहित्य सिकं उदारवादी दृष्टिकोण तइगु जुयाः नं बांलाक आम जनताया पक्ष मकासे खालि पूँजीवादी दृष्टिकोण जक कया: पूँजीपति वर्गया प्रादुर्भाव व शक्ति बृद्धिया हिमायत याइगु पूँजीवादी साहित्य नं दु, थव साहित्य पिनें क्रान्तिकारी खने दइगु स्वतन्त्र चिन्तनया ध्वाँय् ब्वयेका जनतायात मिखाय् धुलं छ्वाकेत सनाच्चनी। तर थौं भी नेपाली जनतायात माःगु थज्याःगु ‘नक्कली’ क्रान्तिकारी साहित्य मखु।

भीत माःगु साहित्य ला आम जनतायागु साहित्य खः, जनतां कर्किया च्यः मजुसे थः हे तुं समाज व राज्य-सत्ताया मालिक जुयेत याइगु संघर्षया पैं लिइगु साहित्य खः, थौयागु स्थितिइ थज्याःगु साहित्ययात प्रगतिशील साहित्य, जनपक्षीय साहित्य हे प्रगतिवादी साहित्य खः।

थःत जनपक्षीय, प्रगतिवादी धकाः धाइपि लेखकपिंसं थुङ्केमा:गु खँ छु धाःसां साहित्य व कला सम्बन्ध्य दकले मुख्य प्रश्न हे ‘साहित्य व कला सुयागु नितिं खः ?’ अले थम्हं सुयागु नितिं च्वयेगु सुयागु पैलिना: च्वयेगु धकाः मनय् बांलाक गवसाः गवयेमा:। थव सम्बन्ध्य प्रगतिशील लेखकपिं, जन-पक्षीय लेखकपिं गज्याःगु साहित्य व कलाया रचना यायेमा: धकाः थंनी सछिदं न्ह्यः हे लेनिनं स्पष्ट शब्दं धायेधुङ्कूगु दु - “भीगु साहित्य व कला” कोटी कोटी श्रमिक जनताया सेवा याइगु साहित्य व कला जुइमाः।’ थुकथं साहित्य् मार्क्सवादी दृष्टिकोण, साहित्य व कलायात वर्गीय दृष्टिकोण स्वयेगु परम्परा लेनिनं छुनाबिल। साहित्ययात जनताया संघर्षयात क्वत्यलेत गुहालि बिइगु शोषकत्य सेवा याइगु साहित्य व जनताया पैं लिइगु साहित्य निग् प्रकारया साहित्य धकाः वर्गीकरण यासे लेनिनं रुसया उगु ईया (सन्

१९०५ स परिस्थितिइ सर्वहारा वर्गया आन्दोलन जुयाच्चंगु ईया) जनपक्षीय साहित्य धयागु हे सर्वहारा वर्गया साहित्य खः धकाः ध्वाथुइक कन। थव सर्वहारा साहित्यया रूपया वर्णन लेनिनं थुकथं याःगु दु।

‘थव (सर्वहारा साहित्य) स्वतन्त्र साहित्य जुइ, छाय्धाःसा थुकि सेवा याइगु सु छ्म्ह तसकं सन्तुष्ट



नायिकायागु मखु, हास जुयाच्चपिं म्हाइपुसे च्वपिं ‘च्वय्या भिद्दुः मनू’ यागु मखु, थुकि सेवा याइगु ला देशया शक्ति व देशया भविष्य रूपी कोटी कोटी श्रमिक जनताया।’

जनपक्षीय साहित्यया अर्थ रुसया उगु ईया परिस्थितिइ सर्वहारा वर्गया सेवा याइगु साहित्य खःसा फुक्क देशया वा फुक्क

ईया प्रगतिशील साहित्यया स्वरूप थव हे जुइमाः धयागु मदु। चीनया मुक्ति संघर्ष न्ह्यज्यानाच्चंगु इलय् माओ चेतुङ्ग प्रगतिशील साहित्य वा जनपक्षीय साहित्ययात ‘सर्वहारा वर्गया जक सेवा याइगु साहित्य’ धकाः मधासे प्यथवः मनूया सेवा याइगु वा प्यथवःया पं लीगु साहित्य धकाः धाल, व प्यथवः खः (१) सर्वहारा वर्ग (जनवादी संघर्षया नायो) (२) किसान (क्रान्तिया मित्र वर्ग) (३) चुपि कुविया जूपिं मजदूर किसान अथवा मजदूर किसान सेना (४) शहरया निम्न पूँजी वर्ग अन्तर्गतया श्रमिक जनता व निम्न-पूँजी वर्गया बुद्धिजीवी। थव प्यंग थवः मनू उगु ईया चीनया शोषित जनता, थव प्यथवः नापं तयेबलय् चीनया व्यापक जनसमूह जुइगुलिं जनपक्षीय साहित्यया अर्थ थव प्यथवःया पं लिइगु साहित्य जुल।

थुकथं भीसं खना, धात्येया प्रगतिशील साहित्य देशया राजनैतिक अवस्था, बहुसंख्यक जनताया आकांक्षाया बांलाक प्रतिनिधित्व जुइकथं देशया जन-संघर्षनाप सत्तिक स्वापू तया: न्ह्यज्यानाच्चंगु साहित्य जुइमाः। जनताया पं लिइमाः, शोषकत्य् विरोध यायेमा:, श्रमिकत्य् विजय जुइमाः धकाः हा जक हालेवं प्रगतिशील साहित्य

जुइ मखु, व ला नाराबाजी जक जुइ। प्रगतिशील साहित्य धयागु प्रगतिया पं लिइगु साहित्य खः, साहित्य जूगुलिं कलानापं थुकिया अभिन्न स्वापू दइ, अले जीवनया यथार्थता भिन्न जुइ मज्यू। शोषित पीडित श्रमिक जनताया पं लिइमाः धाःगुलिं छ्म्ह गरिब वर्गयाम्ह नायक क्यन, अले क्रान्तिया पालिइमाः धाःगुलिं उम्ह नायक छ्म्ह गरिब परिवारया मरयाःम्ह विद्यार्थी वा मजदूर

सचिष्ठत नीखुगृगु ख्वप पौ. बःछि पौ(पाद्धिक)

काल, छति मयया:म्ह, सिद्धान्तय अटलम्हः कथं मे वयात देशभक्त व क्रान्तिकारी क्यनेत देशया शासकत व विदेशी साम्राज्यावादीतय् विरोध्य् त्वाःगु क्यन, कम से कम भाषण यायेगुलिइ, अले जेल वंगु क्यन, जेलं पिहाँ वयाः थःगु देश भ्रमण याकल, अनंलि शायद बाखं न्हयइपुकेत सुं छम्ह नायिका क्यनाः प्रेम क्यना बिइगु, अले तुगलय् थिइके धकाः विछोड क्यनेगु, अथवा शायद क्रान्तिकारी साहित्य् ‘प्रेम क्यने मज्यू’ धकाः राजनैतिक आदर्श व सिद्धान्तया खँ च्वयाः क्वचायेगु यात। भीथाय् थज्याःगु रचना च्वया थःत जनपक्षीय प्रगतिशील लेखक धयाच्वंगु दु। तर थुकिइ न्हयाक्व हे क्रान्तिया खँ ततःसकं हाःसा वस्तुगत स्थितिनापं पात, यथार्थता तापात। यथार्थवादं तापाःगु साहित्य प्रगतिशील साहित्य जुइ फइमखु, थुकिं जन-संघर्षयात छुं नं गुहाति मजुइगुलि थुकियात जनपक्षीय साहित्य नं धाये फइ मखु।

भीगु देशया थौयागु स्थितिइ प्रगतिशील साहित्य धायेगुया अर्थं थौ भीगु देशया जनताया आन्दोलन गुगु लैं कायेमाःगु दु, उकियात बल बीगु साहित्य खः। जुयाच्वंगु स्थितिया सही चित्रण याये मफयेकं छुं लंपु माः धयागु थुइ मखु। राजनैतिक नेतपिंस वस्तुस्थिति बालाक थुइका, समाजया वर्ग सम्बन्ध व अन्तर्विरोध सहीकथं थुइकातिनि परिवर्तन हयेत खःगु लंपु खंकेफइथे तुं लेखक नं थव फुक्क खं बालाक थूसातिनि जनताया संघर्षया खँ:कथं समर्थन यायेफइ, धात्यें जनपक्षीय जुइफइ। थव हे कारणं लेखक जन-संघर्षलिसे ब्वातुगु स्वापू मदयेकं धात्थे हे जनपक्षीय कृतिया सिर्जना यायेफइ मखु। वास्तवम् प्रगतिशील साहित्य नं क्रान्तिकारी संघर्षया अंग खः, क्रान्तिया मेशिनया ‘दाँती व पेच’ खः। थुकिया निति धात्थे हे जनपक्षीय साहित्यया सिर्जना यायेगु इच्छा दुपि लेखकपि जनताया दथुइ दुने थ्यक्क वनेमाः, जनताया जीवन बालाक थुइकेमाः, अमिगु

संघर्षलिसे हे संलग्न जुयेमाः, अले हे तिनि अमिसं जनताया आकांक्षा व सःया प्रतिनिधित्व यायेफइ, धात्यें जनपक्षीय जुइफइ। थथे मयासे क्रान्तिकारी सिद्धान्त ब्वनाः व सिद्धान्तकथं साहित्य दयेका: च्वये धकाः स्वयेगु, अर्थात् जीवनया चित्रण यायेबलय् सिद्धान्त निर्देशित जुइ पलेसा सिद्धान्तया अनुरूप काल्पनिक जीवन दयेकेत स्वयेगु, अथे हे विदेशी प्रगतिवादी लेखकपिनि कृति ब्वनाः उकिया नक्कल यायेगु वा ल्हयाकायेगु वा थःगु कृतिइ स्वथने हयेगु ज्या तसकं हे बामला:गु अन्धसिद्धान्तवाद जुइ, क्वःयात पा छुकाः म्हयाखा यायेत स्वयेगु बाखं ये जक जुइ।

यथार्थवादया खं ल्हायेबलय् भीसं जीवनया अभिव्यक्ति गुकथं यायेमाः धयागु खँ बालाक थुइकेमाः। साहित्य (व कला) जीवनया अभिव्यक्ति खः, थुकिया मतलब जीवन स्वया: जीवनथे च्वंक छुं सिर्जना बिइगु खः। जीवनया अभिव्यक्ति यायेगु धकाः जीवनया छुं खं कायेबलय् लेखकया ‘सिर्जना यायेगु मूल ज्या त्वःफिके मज्यू। यथार्थवादी सिद्धान्तकथं लेखक छम्ह सिर्जक खः, जीवनथे च्वंक थम्हं हे दयेका: बिइम्ह, सत्य घटनायात गथे खः अथे ल्हयाया काइम्ह पत्रकार वा इतिहासकार मखु। कल्पना व सिर्जना धाधां जन-जीवनलिसे सम्बन्ध हे मदयेक आकासय् ब्बया वनेगु प्रवृत्ति गुलि बांमलाः, जीवनवादया अर्थ मथुइक ‘जीवनवादी’ जुयेगु अर्थात् ‘जीवनया अनुकरण’ धकाः जीवनयात कार्बन-पेपर ल्हयाया कायेथे कायेगु प्रवृत्ति नं उलि हे बामला:। जीवनं गथे खः अथे ल्हयेत स्वयेत स्वयेगु प्रकृत्तिवाद खः, यथार्थवाद मखु। प्रगतिवादी साहित्ययात माःगु आधार यथार्थवाद खः, प्रकृत्तिवाद मखु, प्रकृत्तिवाद ‘प्रगतिशील’ साहित्य्य विकृति जक हइ, जनपक्षीय स्वरूप हे क्वःथलाबिइ।

थुकथं प्रगतिवादं यथार्थवादयात

क्वातुक्क क्यूच्याइ, तर यथार्थवाद बालाक ज्वनेवं तु प्रगतिवादी जुइ मखु, घोर प्रतिक्रियावादी रचना नं शुद्ध यथार्थवादी जुइफु। समाज व जीवनया यथार्थ चित्रण यायेव ‘यथार्थवादी जुइ’ तर यथास्थितिया पैं लिनाः परिवर्तनया विरोध याःसा प्रतिक्रियावादी जुइ, अले जुयाच्वंगु स्थिति बालाक क्यना: जनताया आकांक्षा व संघर्षया पं लिइवं प्रगतिशील जुइ। थथे जूगुलि प्रगतिशील साहित्यं ‘समाज व जीवनया यथार्थवादी चित्रणया नापं जुयाच्वंगु मभिं मनियात उला क्यना: उकिया विरोध नं याइ।’ थुकथं प्रगतिशील साहित्यं ‘मभिं, मनि, विकृति, अन्याय व अत्याचारया विरोध नं मयासे मगा:। पूँजीवादी समाज क्वथलेत सर्वहारा वर्गया नेतृत्व जुइगु जनताया संघर्ष, श्रमिक जनताया नेतृत्वय् जुइगु संघर्ष, सर्वहारावादी धारणाकथं जुइगु प्रगतिशील संघर्ष प्रगतिवादी संघर्ष खः।

यथार्थता व मभिंया विरोध प्रगतिवादी साहित्यया लक्षण खः, तर थुलि जक लक्षण दयेवं पूवनी मखु, थुलि दया: नं प्रगतिवादी वा जनपक्षीय मजुइफु। जुयाच्वंगु मभिं मनिया तीव्र विरोध यायेगु, तर थन छुं नं जुइ मखु धयागु नैराशय व्यक्त यायेगु गलत प्रवृत्ति नं भीथाय् दु, थव प्रवृत्ति प्रगतिवादी मखु। ‘थन अन्याय जुयाच्वन, तर उकिया विरोध यानां छु याये ? नेता धाःपिं फुक्क स्वार्थी, राजनीतिज्ञ धाःपिंसं जनतायात धवं लाइ’ धकाः धाइपिं ‘प्रगतिशीलताया ख्वाःपाः पुनाच्वपिं, तर जनताया दुश्मनया दलाल खः, छाय्धाःसां जनताय् ‘छुं जुइ मखु’ धकाः नैराशयया प्रचार यायेगुया अर्थ जनताया शत्रुतयत हे गुहालि यायेगु खः। अथे हे ‘जिमिसं हालां छु याये ? जनतां थः मित्र शत्रु हे म्हमस्यू जनता बदमासतय् ल्यूल्यू हे वनेयः’ धायेगु निराशावाद खः। जन-संघर्ष्य संलग्न जूपिके हे नं थव प्रवृत्ति बरोबर खन्दु, थव उदारवादी पूँजीवादी

सचिष्ठव नीखुगृगु ख्वप पौ. बःछि पौ(पाद्धिक)

दर्शनया प्रभाव खः, जनपक्षीया धाःपिंके
थज्याःगु भावना वइगु संशोधनवादी प्रवृत्ति
अराजकतावादी छाडावादी
अनुशासनहीनताया फल खः।

मूल खं छु धाःसा प्रगतिवादया मूल
प्रवृत्ति हे 'जनपक्षीय स्वरूप' जुसेलि जनताया
पं लिइमाल। धात्यें हे जनपक्षीय धयापिं
जनतापाखें सिइके सयेकेत सनीपिं खः,
जनतायात 'निगाह' यानाः छिमिगु पक्ष
कयाबिया धाइपि छु भति 'फेशेनेबल' वा
शौखिन प्रगतिवादीतय्सं 'प्रगतिवाद' या नामं
पिकयाच्चं कृति व्वेनेबलय् भीसं खनी अमिसं
चित्रण याइपि 'श्रमिक' वर्गया नायकपिनि
'वसः जक श्रमिकयागु ख्वाःपाः व तुगः ला
भाजु वर्गयागु हे' जुयाच्चवनी। थथे जूगु
जनताय् आस्था तये मफुगुया फल खः।
जनताय् आस्था मदुपिं गथे 'जनपक्षीय'
जुइफइ ? अथे जुगुलि भीसं प्रगतिवादया
आपालं लक्षण च्चय् न्ह्यथने धुंसां दकले
मूल लक्षण खः - जनताया आस्था'।
जनताप्रति आस्था मतइगु साहित्य, प्रगतिवादी
जुइफइ हे मखु, प्रगतिशील तक नं मखु।

अथेसा 'जनताय् आस्था' धयागु छु
खः। थुकिइ निता खं दु, छगू जनतां थःगु
आन्दोलन थम्हं हे न्ह्यज्याकी, करपिसं वयाः
याना बिइगु मखु धयागु धारणा, अले निगूगु,
जनता छन्हु त्याइ हे तिनि धयागु विश्वास
अर्थात् जनताया शक्तिइ आस्था व भविष्यय्
आस्था हे प्रगतिवादी साहित्यया मूल आत्मा
खः। थव हे मंत धायेव स्थितिया न्याक्व
कलात्मक व यथार्थवादी चित्रण यायेफःसां,
समाजया मभिं, मनिया न्ह्याक्व पर्दाफास
याःसां, अन्याय व अत्याचारया विरोध न्ह्याक्व
ततःसलं याःसां उज्याःगु साहित्य प्रगतिवादी

जुइफइ मखु।


'जनताय् आस्था'या थव निगू तत्व
मध्ये न्ह्यापायागु अर्थात् 'जनताया शक्तिइ
विश्वास'या अर्थ थौं न्ह्याक्व बमलाः, मस्यू
मथू धाःसां जनशक्तिया न्ह्यःने छुं हे ज्वः
जुइ फइमखु धयागु विश्वास। जनताया
लागि करपिसं यानाविइ, चाहे थःहे देशयापि
जुइमा वा विदेशी धायेगु जनतायात इवाकलय्
थुनेत सनेगु खः। जनता निष्क्रिय जुइ वा
करपिसं लगाम ज्वनाः संकीपि भीड जुइ
धकाः मतिइ तयेगु पूँजीवादी प्रतिक्रियावाद
खः, चलाखपिं छम्ह मनुखं जनतायात थःगु
स्वार्थया निति छ्यलेगु कुतः खः। अले पिने
च्वपिसं वयाः भी जनतायात उद्वार याःवइ
धायेगु तावेदारवाद खः, प्रगतिवाद मखु।
करकिया भक्ति यायेगु च्यः-बुद्धि खः,
तावेदारवाद ला आखिर तावेदारवाद हे जुइ,
चाहे प्रतिक्रियावादी विदेशी शक्तिया भक्ति
यायेगु जुइमा वा क्रान्तिकारी विदेशी
सरकारया भक्ति जुइमा। जनता धयापि
छम्ह छम्ह व्यक्ति अलग अलग जुइवलय्
मथू मस्यू जुइ, तर जनता छधी जुइव थःगु
हित बालाक हे थुइ, अले थःगु भागय थम्हें हे
दयेकेत न्ह्यज्यायेफइ।

थथे न्ह्यलं चायेकाः न्ह्यज्याःपि
जनतायात सुनां नं पनेफइ मखु, थव जनशक्तिया
न्ह्यःने छुं शक्ति नं टिके जुइ मखु, भचा
न्ह्यः ल्यू जनताया विजय मजुइ हे मखु। थव
हे खः, भविष्यय् आस्था व जनताया पाः छन्हु
वइतिनि धयागु विश्वास। प्रगतिवादी साहित्यय्
दुने निराशावादयात थाय् मदु, उज्ज्वल
आशावादीता हे थुकिया चिं खः।

थव खंगा व्याख्या यायेत छथाय्
निथाय् न्ववानाबलय् जिं माओचेतुङ्ग
(मलः, पौ ९-१५)

रवीन्द्रनाथ ठाकुर व पावलो नेरुदाया पंक्ति
उद्धृत यानागु खः। उकिइ माओचेतुङ्गया
कविताया छुं पत्किइ चित्रण यानातःगु भाव
- 'सकभनं खिउँसे, कां थैं खिउँगु रात'
धकाः वर्णन यानाःलि अथेसा 'सुथया ग्वंगः
हालेधुंकल' धयातःगु खँ उल्लेख यासे
जनताय् आस्था तइपि जनपक्षीय लेखकतय्सं
'परिस्थिति न्ह्याक्व खिउँसां न्ह्यःखा
हालेधुंकल, द्यः तुयुइन' धकाः 'द्यः तुयुइ
तिनि' धकाः उज्ज्वल आस्था कायेमाः धकाः
व्याख्या यानागु खः। थुकियात कया छम्ह
समालोचक भाजु 'नेपालभाषाया आधुनिक
प्रगतिवादीतय्सं इलय् कुइलय् न्ह्याथासं
ग्वंगः हायेकेमा: धयागु प्रवृत्ति कयाच्चन,
थुकिं ला भूठा आशा कया: पूमवनीवलय्
भन जक स्यनी' धकाः आलोचना
यानादिल। जिं उद्धरण यानागु माओया
कविताया पंक्ति भूठा आशाया पंक्ति 'द्यः
तुयुइ धुंकल' वा 'तुरुन्त हे द्यः तुयुइन' धयागु
भाव उकियागु मखु, उकिइ ला 'कां थैं पन्चि
पन्चि यायेमाःगु रात' या वर्णन दु, तर जरुर
द्यः तुयुइ तिनि धयागु उज्ज्वल आशावाद
उकिइ दु। जनताया छन्हु जरुर विजय जुइ
धयागु आशां मृग-तृष्णा मखु, जरुर साकार
जुइतिनिगु यथार्थ खः। आम जनतायात
छम्ह जनद्रोहीतय्सं छुं ई धवलाना तयेफइ,
बलं कवत्यला तयेफइ, तर छन्हु जनता
दनावइ, जनताया शक्ति नं क्वःदलावंगु घटनाया
साक्षी इतिहास दु। तर थव विजय वयेत
यक्व ई बीतिनिगु खयेफु, व ई याकनं हयेत
गुहालि बीगु हे प्रगतिवादी साहित्य, प्रगतिशील
साहित्य, जन-पक्षीय साहित्यया उद्देश्य खः।

**ख्वप नगरपालिकाता न्ह्याबलै सफा,
सुग्घर तयगु सकल नगरवासीतयगु कर्तव्य खः।**



पःखाः नह्याच्वन हे थतःजा तर वया तवय् छगू आकाश दइ

पूर्ण वैद्य

थौ हानं स्वस्वं पःखाःत ततःजाया वयाच्वन
थव शहर दुने !
थव दरवार महलं पिने !
पःखाः पःखाःया छगू घेराबन्दी ! स्वःस्वःथाय्
मुक्त ख्यःत
मुक्त लैत
मुक्त सिमा स्वामात
थौ पःखाःया छगू शक्त
घेराबन्दी दुने ।
इवःइवः सिमेण्टया जब्बर पःखाःत
मार्चिङ्ग यानाः वयाच्वन लै मिच्य यायां
लैत्यैत धवत्थाय् ख्यानाः लिनाच्चन
लाःथाय् त्वाःत्वाःल्हानाः स्यानाः नयाच्वन ।
लै दयेकूपि ज्यामित्यगु गुलिं ल्हाः त्वाःल्हाना काःगु
लैजुवाःत्यगु तुति ज्वंज्वं ध्यनाकाःगु,
मिखा मदुपि थव पःखाःत्यसं नं खंगु खः
न्हायपं मदुपि थव अंगःतय्के नं
सुयां चिल्लाय् दंगु सः थःके थवःगु सः
थुमिगु घेराबन्दी हे जूगु थव ज्या खेत
थुमिगु घेराबन्दी हे जुइफुगु थव ज्यात
म्हय् हिपातः लाःलाःथाय् तक्मां किकातःगु दु
हानं पःखाःत ततःजाया वयाच्वन निर्धक्क !
थुमित ता छायाच्वन धमाधम
ल्वहं, सिमेन्त, गोल्तु, कं, खाःबाकु माक्व बिया
द्यने चून रङ्ग पानाः
मत तयाः थाय् थासय्
न्हन्ह दरबार, महल बुयावः थाय् बुइथाय्
छाच्यरं बबलाक्क, हानं पःखाः थना हयाच्वन
सुरक्षाया नामय् उन्नतिया नामय् ...

भिंगु नामय् जुइगु मभिंज्याया दुर्गन्धि हे
छु भीगु इतिहास मखा ?
यानं कुलां स्वये -
हानं हाकुगुंत दनाः वयाच्वन थथस्वस्वं
चुलुगु पपूत चक्कं जः खः
जिगु क्षितिज क्वानाः नयाच्वन
सम्भावनाया जः खित्तुखिनाः
हानं चा बुइकेत कुकुच्वनाच्वंपि थव गुंत
छाती छाःगु ल्वहं सिबे छु मदुपि थव गुंत
छ्यनय् च्वापु तपुलिं क्वक्वचिंकनं
नुगः हे ख्यायाः ल्वहं जुइधुंकूपि थव गुंत
थःगु म्हश्छिं चुलु - ध्याचः, कँ - लुफि हवलाः
लैजुवाःत भीरं कुतुं वनेवं सर्गः
थवक्क न्हिलीपि थव गैत
जिगु सिमाया प्रसारण ल्हानाच्वन थन हे
जिगु उज्जवल कुलां किनाच्वन थन हे
जि छगू थव सिमापिने तातापाकाः न्यनावनेगु मन्तुना
थिमिगु किचलं वथंगः थाय् यःत जः थिले थे थिलेगु
दक्व जिगु भिन्तुनात थन हे लिकुनाच्वन ।
जि थःगु कुलां ल्हवनाः हये लखं सूर्य दुगु
जितः छकू बँ ब्यू पलाः तयेगु, छकू आकास ब्यू दनेगु
थव ख्युं वागाइ थें बागाइ थें च्वंगु सर्गतय् ।
न्ह्यः व ज्वःया दथुइ थानाच्वंगु
फि फि तन्द्रात, न्ह्यःसूत
म्हिगःया बासिगु ख्वालय्
दाहि चाचां थव ब्लेड खः गुगु धाःया लागिं
मखु थःगु ख्वालय्
जब पूर्वया क्षितिज हे धमाधम गयाः गुंत थाहां वयाच्वन

सचिष्ठ नीखुगृगु ख्वप पौ बःछि पौ(पाद्धिक)

जब लंत हे जब्बर पःखा:या घेराबन्दी लाना: वयाच्वन
जि मती दु - छु जुया: थव सुथ फ्यात्त फ्यूज थमवं
थौया न्हि दुने ।

अन्धकार लिथवया: हानं हानं मिखाय्
भीगु देश कां थमजु
भीगु मिखा दयेक दयेक
सर्गः हे किना: ततःजाःपिं थव गुंतय् सं हः हःपना:
सातु थमवं थव नकतिनि नकतिनि बूपि लैंतय्
आसे, दक्षवं भ्रम, न्ह्यःस्
थव ला: प्याल्ल प्याल्ल वःपिं मोहत
सुच्चुक निं खाये जिं थःगु ख्वालय् बुया: वयाच्वंगु जंगलत ।
सुथ ला जिगु हे मिखा खः
छंगु हे मिखा खः
जब छं, जि मिखा कने, भीगु मिखा सुथ ।
गय् तिसिना: चाय् दुनाच्वने
फइ !
धात्थे ला छगू सुथ जिगु मिखां पिहां वंगु दु
छ किना: !!
जितः दुर ब्यूवइम्ह सापू
जितः स्वां तःवइम्ह गथु
न्ह्गु अखबार ज्वनावइम्ह मचा
आखिर जिगु सुथ ला थुपि खः !
थौं जि न अन मदु -
गन म्हिगः द्यनाच्वना
थरु क्वरु थःत त्वःपुया:
गन जि द्यनाच्वना
अन हे सुथ ल्हानाच्वंगु खनि
थन ।
थौं ला जिं थःत छगू छगू पिना - गवःन्ह्या जः छ्यने थे
तिका हयाच्वना जिगु प्रत्येक
पतिइ ।
गन टिकट तिकेमा: थःगु देय्या
थःगु देय् मदुम्ह सु हे थः दइ
थःगु ख्वा: मदुम्ह सु हे मनू दइ ।
जिं स्यू
प्रत्येक सुपाँचं सागर क्वबियावःगु दु थः म्हाच्छिं
प्रत्येक जतिं सूर्य ज्वनावःगु दु थः दृच्छि
खालि इमित थः अभिव्यक्तिया कारण
छगू दइब्यू थन

खला, गवा:गवा: पःखा:त वयाच्वन
पला:तय् थवाना: न्ह्या: हे
दाख मखु, कंया कुनीति सयाच्वंगु थव पःखा:त !
तर्क ला गुंयाके नं दु
पःखा:याके नं दु
थः थः भिं-भाजु जुयेगु

पःखा: यक्व हे थतः जा
यक्व हे आकास नयेत थस्व
ककु ताता:हाकः
म्ह फुलय् फुलय् याना: -
तर वया च्वय् वं थिइमफुगु
छगू आकास दइ जः न्यनीगु
छगू दिशा दइ - लैंत प्यना
वनीगु ।
(नेपाल १०९७:२०३३)

लाय

अनेक दुःख कष्ट सियो नेम्हा काय्पिन्ता त्वःत ब्वाम्हा
छम्हा जालय प्वः चिडःतःगु हिद्वधेबा काय्पु नेम्हासिता बियो
बनय वानय्गु खाँ क्वः छित । मचात नेम्हा त्वःत मदयो वाम्हा
थः जहानता लुमांकः काय्पिन्ता धालः - बाबु मांता वास यायां
हे मत । जीवनय् भाति भाति मुँ मुँ थव हिद्वधेबा जिकय तयो
तया । अः जि गामय वानय् ताडा । लां लां बिय यो । छमिसं
म्हां डाढ्व डाढ्व दां लाय छ्यलः ज्या याडः नयो च्वाँ ब्वाम्हा
बनय् वान ।

तहिम्हा कायया मनय् वान । अब्वा तस्कं थाकुक
वै । उब्ले ब्वायाता थुगु धेबा ब्याज तपां लिता बिय माली
धायो माखा न्याड़ हल ।

चिच्याहिम्हा काय्या मति वान । अब्वा तस्कं थाकुक
वै । कमजोर जुयो वै । उब्ले ब्वायाता बः तांक्यता रवंगः
स्याडः नकय् माली धायो वं रवंगः लहित ।

ई न्ह्याडः वान । दाजुया माखां ख्यैं छ्यो खसः बियो
यक्व खाचा थवकल । किजाम्हा ब्वाम्हा पिडः च्वं च्वं रवंगः नं
सीत । लाय नं फूत । ब्वाम्हा ल्याहाँ वबलय् दाजुया प्रगति स्व
स्वं ब्वान धाल लाय ख्यैं छ्यैथाय् जक लगानी याय् सय्की । इलं
थवंथवय् ज्ञानया खाचा थवकथे जुल ।

चवमि: आशाकुमार विक्रमजार

ख्वप नगरपालिकाया ज्या भूवः त

हिङ्गगृह नगरसभा चालु

पुस २६ गते

ख्वप नगरपालिकाया प्रमुख नपां हिङ्गगृह नगरसभाया नायो भाजु सुनिल प्रजापतिया नायोसुइ च्वंगु बैठक ख्वप नगरपालिका पाखं चाय्यकः तःगु ख्वप कलेज अफ इञ्जिनियरिङ २०६५ व ख्वप कलेज अफ ल २०८० या विनियम संशोधन छप्वाम्हुतं पारित याता ।



सभासं नगरप्रमुख प्रजापति जुं नेपःया सरकारया स्वीकृति न्वायकः भारतं नेपःया न्हयागुं लागाय् २० करोड तक तप्यंक खर्च याय् दःगु सम्भौता याडः देया सार्वभौमिकताय् हे घः लाङ्गु खतरा दुक्गु खाँ काडः दिल । वयकलं गुगु नं स्वतन्त्र व सार्वभौम देशय् विदेशीं तप्यंक लाय छयलिगु सार्वभौमिकताय् हे क्वत्यलिगुलिं सचेत नागरिकपिसं थुकिया विरोधयाय्मः धायोदिल । सूर्यबहादुर थापाया पालय् ३ करोड न्हयाकगु उगु धेबा बाबुराम भट्टराई प्रधानमन्त्री जूबलय् ५ करोड थ्यंकगु खाँ कुल दिसे वयकलं भारतयाचकों दवावं मंसिर २१ गते च्वंगु मंत्री परिषदया बैठकं २० करोड तका तक थ्यंकगु खाँ काडः दिल ।

वयकलं ‘भीगु देशय् नांजक स्वतन्त्र व सार्वभौम देश जूसां लिकातं भारतया उपनिवेश जुजुं वांगु दः धायो दिल ।

सभाया विशेष समयसं सभासदपुं मञ्जु लाखा, सुमित्रा बोहजु, जितेन्द्र मुनकःमि पुरुषोत्तम तमखु, श्यामसुन्दर मातां सूर्य प्रसाद श्रेष्ठ, कृष्ण गोपाल चौण्गुथि, इन्द्र बहादुर प्याथ, कृष्ण नारायण दुमरु व गोविन्द दुवालं न्वचु तयो दयूगु खः । वयकपिसं इजरायलं प्यालेष्टाइनय् याडः च्वंगु नरसंहारया विरोध यासे न्यायप्रेमी जनतां प्यालेष्टाइनी जनताया पा लिडः ऐकेवद्वता प्वक वःगु नागरिकपिनिगु अन्तर्राष्ट्रिय कर्तव्य खः धायो दिल । वयकपिसं नगरया समस्या व पंगःया खायै नं थःथःगु बिचः प्वकः दिल । नगर सभाया मेगु बैठक पुस २९ गते न्हिनय् सिया १:०० ता इलय् च्वनय्गु खाँ वः छित ।

पुस २२ गते

ख्वप नगरपालिकाया प्रमुख नपां हिङ्गगृह नगरसभाया सभाया सुनिल प्रजापतिया नायोसुइ आइतवार च्वंगु नगर सभाया बैठक शिक्षक, बालबालिका सहजकर्ता नपां विद्यालय कर्मचारी ज्याख्य् खट्य याय् गु सम्बन्धी कार्यविधि २०८० छप्वा म्हुतं पारित यात ।

उगु बैठक ख्वप नगरपालिका पाखंचाय्क तःगु ख्वप कलेजया विनियम २०६५ ख्वप अस्पताल सञ्चालन व व्यवस्थापन नियमावली २०७७ व ख्वप अस्पताल सञ्चालन व व्यवस्थापन नियमावली २०७७ या विनियम संशोधन प्रस्ताव पारितजुल ।

बैठकसं सभाध्यक्ष प्रजापति जुं शिक्षक, बालबालिका सहजकर्ता व विद्यालया कर्मचारी सम्बन्धी कार्यविधि २०८० या उद्देश्य काडः दिसे ख्वप नगरपालिका दुनयया सामुदायिक ब्वनयकुथि ज्या साडः च्वंपु शिक्षक बालविकास सहकर्ता, स्वयम सेवक शिक्षक, विद्यालय कर्मचारीपित्ता काम काजय छव्यो व्यवस्थापन याय्ता कार्यविधि दयकगु खाँ प्रस्ट याड दिल ।

पारित जूगु कार्यविधिसं नगरपालिकाया लागा दुनयैं छ्गू ब्वनयकुथि मेगु ब्वनयकुथि तह व विषय मिलय जूसा शिक्षक थमनं हे सरुवा जुयगु माग या सा, ब्वनयकुथि माग या: सा, अनुगामन प्राविधिक सहयोग समिति व नगर शिक्षा समितिया नायो नं शिक्षक व ब्वनामि पिनिगु अनुपातय् लिधंसाय् ब्वनयकुथिता मः काथं पूवांक्यगु याडः छ्गू ब्वनयकुथि मेगु ब्वनयकुथि ई वः छिड वा ई वः मध्यूसे शिक्षक व विद्यालय कर्मचारीता ज्या साडः च्वंगु ब्वनयकुथि हे तलब भत्ता नक्यगु याडः वा ज्या सांगु ब्वनयकुथि हे यागु हाजिर प्रमाणित स्वयो दरबन्दी कायम जूगु ब्वनयकुथि तलब भत्ता नक्यगु याडः कामकाजय खट्य याय् फैगु प्रावधान दुतिंगु दः ।



अपाङ्गता जुँपुं शिक्षक कर्मचारी पिन्ता ज्याख्य् छवइबलय वयक्ता अःपुङ्गु थायया ब्वनयकुथिख्य् स्वयो छवयूगु नपां शिक्षकया माग काथं ज्या ख्य् छवयमःगु अवस्थाय् स्वयो छवयूगु नपां शिक्षकया माग वःसा थाकालिम्हासियागु मागता हदाय तय्गु व्यवस्था नं उगु कार्य विधि यागु दः।

विधायन समितिया कजि हरिराम सुवालं शिक्षक, बालबालिका सहजकर्ता व विद्यालय कर्मचारी ज्याख्य् छवयूगु सम्बन्धी कार्यविधि २०८० सभा ख्य् पिब्वयो द्यूगु खः। उगु कार्य विधिया खायैं जूगु छलफलय् सभासद नारायण प्रसाद त्वानाबासुं थःगु सुभाव तयो द्यूगु खः।

ख्वप नगरपालिकाया नगरसभा व्यवाल माघ ३ गते

ख्वप नगरपालिकाया हिङ्डाकगु नगरसभा बुद्धवार क्वचाल। ख्वप नगरपालिकाया प्रमुख सुनिल प्रजापतिया नायो सुइ बैठकं ख्वप नगरपालिकाया नगर प्रहरी ऐन २०७५, ख्वप नगरपालिका शैक्षिक ऋण वियता दयकगु निर्देशिका २०७५ व ख्वप नगरपालिकाया शिक्षा ऐन २०७४ संशोधन याय्ता दयकगु विधेयक प्रस्ताव छप्वाम्हूतुं पारित यात। उगुबैठकं सभाया उपाध्यक्ष नपां उपप्रमुख रजनी जोर्शी पिब्वगु ख्वप नगरपालिकाया बजेट रकमान्तर सम्बन्धित प्रस्ताव नं पारित यात।



नगरसभा तःलाक क्वः चःगुलिं सभाध्यक्ष प्रजापति जुं उलेज्याया मूं पाहां राजनैतिक व सामाजिक न्यूलुवापूं बुद्धिजीवी, ज्यामिपुं उद्योगीपुं नपां नगरसभाया ई दुनय् गवाहालीयापुं जनप्रतिनिधि पुं व कर्मचारी सकलसिता सुभाय देछायो दिल।

व्यक्तलं नगरसभाता सभाजक मखु वैचारिक व राजनैतिक स्तर गवाक्यू थाय् काथं अभ्यास याडः च्वडागु खाँ व्याकः दिल।

विसं. २०३१ साल माघ १० गते निःस्वांगु नेपाल मजदुरकिसान पार्टी निःस्वांगु आधारत कुलः दिसे व्यक्तलं मार्क्सवाद, लेनिनवाद

सचिव नीखुगूगु ख्वप पौ. बःछि पौ(पाद्धिक)

व माओत्सेतुड विचारधाराता मार्ग निर्देशक सिद्धान्त काथं डाल सामन्तवाद पूँजीवाद व उपनिवेशवाद व साम्राज्यवादया विरुद्धमदिसें संघर्ष याडः च्वांगु खाँ व्याकः दिल।



बाली लयगु, भपाई, मोहियानी हक संरक्षण थजगु किसान आन्दोलनया जग्य दाडः बजार भः थिक्य, यागु भ्रष्टाचार विरोधी आन्दोलन यायां देया राजनैतिक आन्दोलन नं महत्वपूर्ण भूमिका यायां वगु पार्टी चुनावता जनताया राजनैतिक व सांस्कृतिक स्तर च्व न्याक्यूगु छगु राजनैतिक संघर्ष काथं छ्यल वगु खाँ नं व्यक्तलं काडः दिल।

नगर सभाया विशेष समयसं सभासदपुं मञ्जुमैयाँ लाखा, रीता फसिकव, कल्पना शिल्पकार, हेरा ख्याजु जितेन्द्र मुनकःमि, नारायण प्रसाद त्वानाबासु, पुरुषोत्तम तमखु, हरिरत्न गोखाली, श्याम सुन्दर मातां, इन्द्रवहादुर प्याथ, सूर्यप्रसाद श्रेष्ठ, राजकुमार शिल्पकार, कृष्ण सुन्दर प्रजापति, सिद्धिराम अवाल, कृष्ण लाल किसी व गोविन्द दुवालं स्थानीय नगरबासी पिनिगु समस्या, राष्ट्रिय व अन्तर्राष्ट्रिय विषय न्वचु तयो दिल।

सभाय् न्हिथांगु न्यूसया खायैं सहकारी व लेखा समितिया कजि हरि प्रसाद बासुकला, युवा व खेलकुद समितिया कजि श्यामकृष्ण खत्री, कृष्ण समितिया कजि राजकृष्ण गोरा, निर्माण समितिया कजि उकेशकावा व शिक्षा, संस्कृति व स्वास्थ्य समितिया दुजः नपां वातावरण समितिया कजि रविन्द्र ज्याख्व जु पिस बियोदिल।

२०८० पुस २५ गते निसें न्यूकगु उगु बैठक माघ ३ गते क्वचःगु ख्वप नगरपालिकाया हिङ्डाकगु नगरसभां शिक्षक बालबालिका सहजकर्ता व विद्यालय कर्मचारी कामकाज्य् छवयूगु सम्बन्धी कार्यविधि २०८० छप्वाम्हूतुं पारित यातसा ख्वप नगरपालिकापाख्व चाय्कतःगु ख्वप कलेज अफ इन्जिनियरिड २०६५ व ख्वप कलेज अफ ल २०८०, ख्वप कलेजया विनियम, २०६५, ख्वप अस्पताल सञ्चालन तथा व्यवस्थापन नियमावली २०७२ या विनियम संशोधन प्रस्ताव छप्वा म्हूतुं पारित यात। सभां ख्वप नगरपालिकाया नगरप्रहरी ऐन २०७५, ख्वप नगरपालिका शैक्षिक ऋण वियगु सम्बन्धी दयकगु निर्देशिका २०७५ व ख्वप नगरपालिकाया शिक्षा ऐन २०७४ या संशोधन याय्ता दयकगु विधेयक प्रस्ताव छप्वा म्हूतुं पारित याता।

सचिवत नीखुकगु ख्वप पौ. बःछि पौ(पाद्धिक)

नीखुकगु राष्ट्रिय भूकम्प सुरक्षा दिवस

माघ २ गते

वि.सं. १९९० माघ २ गते ब्वःगु तःभवखाचाया लुमन्तिसं मंगलवार दे डांक थी थी ज्या इवः गवस गवयो नीखुकगु राष्ट्रिय भूकम्प सुरक्षादिवस डाय्कल । ‘स्थानीय स्रोत व प्रविधि नपां छ्यलय् तु भवखाचा फयफैगु संरचना द्यकेगु’ धाय् गु मू नारा ज्वडः उगु दिवस डाय्कल ।



ख्वप नगरपालिका, नगरपालिकापाखां चाय्कः तःगु ख्वप इञ्जनियरिङ् कलेज व ख्वप कलेज अफ इञ्जनियरिङ्या मंकः गवसालय नीखुकगु राष्ट्रिय भूकम्प सुरक्षा दिवसया लसताय मंगलवार ख्वपया दतात्रय त्वालय जनचेतनामूलक शैक्षिक ब्वज्या जुल ।

ज्या इवः या उलेज्या याडः दिसे नेपाल मजदुर किसान पार्टीया छ्याङ्जे नपां संघीय सांसद प्रेम सुवाल जुं सरकारं संरचना द्यक्किलय भवखाचां अपलं स्यंक्य मफैगुकाथंया मापदण्ड पालना याडः याकय् मःगु खाँ व्याकसे देशादेशीया डकःमि, सिँकःमिपिन्ता तःभव खाचां स्यंकः थुडः बिय मफैगु काथं दयके फयकेगु तालिम बियमः धायोदिल ।

वयकलं- सरकारं ‘राष्ट्रिय भूकम्प सुरक्षा दिवस’ धाय् गु स्वयो भूकम्पीय जोखिम म्हवचा याय् गु प्रविधिया शिक्षा बियगु दिवस’ धःसा बालाइ धायोदिल । भवखा ब्वइगु खाँ भूगर्भशास्त्र नपां स्वापु दःगु विषय खः । काठमाण्डौ उपत्यका विकास प्राधिकरण आवास क्षेत्र विकास प्राधिकरण आवास क्षेत्र विकास याय् हाँ आनाया भूगर्भ (चाया अवस्था) गथेच्वं दक फुक्क अध्ययन याय् गु याकेगु ज्या याकय् मः गुलि अथे मयार्सी न्हयाथाय् तं निजी प्लटिङ् याकगु मिलयमजु धायोदिसे काठमाण्डौ उपत्यका विकास प्राधिकरण नां । निजी प्लटिङ् विकास प्राधिकरण’ तय मःगु मखुला दक धायो च्वंगु दः धायोदिल ।

२०७२ सालया तः भवखाचां स्यंकः व्यूगु ख्वप लायकुया चित्रकला संग्रहालय, सरकारी कार्यालय दःगु मल्लकालीन सिंह छवाका दरवारया पूर्व पाखय्या बच्छी भाग बि.स. १९९० सालया तः भवखाचां थुडः व्यूसेलिं राणाकालीन पहलं दांगु खाँ कुलदिसे वयकलं मेगु हकनं छगु भवखा ब्वल धःसा थाना धिंकः तःगु त्यकां फय मयो दुडः थाना स्वः वैपु देशं दुनय् व देशापिनयया पर्यटक पिन्ता ल्हाडः अपलं धन जनया क्षति फय मालय फः । उकीं गुलिफता उलि मथां सिंह छवाका दरबार मल्लकालीन पहलय् हे दांकय् गु ज्या सरकारं याय माल धायोदिल ।

वयकलं स्वनिगलय अपलं मनूत च्वंगुलिं अजगु तः भवखाचा हकनं ब्वलःधःसा अपलं धन जनया क्षति जुयफःगुलि सरकार अः हे सचेत जुयमगु, प्रधानमन्त्री व मन्त्री जुयगु धायगु भन्डावाल गाडी गयो सिंहदरवार द्वाँ प्यहँ जुयगु जक मखु ल्यासे ल्याम्होपिन्ता राहदानी ज्वंकः विदेशय् ज्या याकय् छ्वयगु जक मखु । सरकारं वांगु दायँ जक २,३१८ म्हा चिकित्सकपिन्ता असल चरित्रया दसि पौ बियो विदेशय ज्या माय्के छ्वत । अलय छु नेपः मि पुं अःउपचार याय मफयो सीगु दिन वैनला ? वयकं धायो दिल ।

राष्ट्रपति रामचन्द्र पौडेलं माधीया लसताय संसदय दःपु राजनीतिक दलया प्रतिनिधिपिन्ता थःगु निवासय् सःतः थः नपालापु विदेशी पाहाँ व राजदूतपिसं नेपः या संविधानय् क्वयया वर्गता सम्बोधन यागु एशियाया वालागु दक च्वछःगु दक लयता प्वंकगु खाँ कुल दिसे वयकलं धायोदिसे भीसं क्वयया वर्गया काय म्ह्याय् पु ब्वनिगु देशय् दुनयया अपलं सामुदायिक ब्वनय्कुथिया गुणस्तर क्वफाल, ल्यासे ल्याम्होपिन्ता देशं पिन्य् ज्या सांकः छ्वयगुलि दे याता भिं याइ मखु धायोदिल । अपलं चिकित्सकपिन्ता नपां विदेशय् ज्या याकय् छ्वगु अलय नेपाल विद्युत प्राधिकरणया शेयर ६० अर्बतका क्वतिया मियगु क्वःछ्यगुलिं प्राधिकरणता निजीकरण याय्ता जूगु कुतः याय् खाँ राष्ट्रपति जूयाता व्याकगु खाँ नं वयकलं काडः दिल ।

ज्या इवः या सभाया नायो नपां ख्वप नगरपालिकाया प्रमुख सुनिल प्रजापति जुं भीसं दाडागु संरचना बल्लाक व भवखाचां स्यंक्य मफय् क मदय् क्सा अपलं क्षति जुइगुलिं थजगु खायँ बिचः याय् मः धायो दिसे ख्वप नगरपालिकां दायँदासं भूकम्प सुरक्षा दिवसया लसताय जनतात ग्वाकय् गु ज्या इवः नपां ब्वज्या याडः वयो च्वंगु खाँ व्याकसे ऐतिहासिक व पुरातात्विक सम्पदात ल्हवनय् कानय् ज्या खय् भवखाचा फय फैगु काथं दाडः भीगु पहः सीप व सामानत छ्यलः सम्पदा ल्यंकः म्वाकः वयागु खाँ काडः दिल ।

वागमती प्रदेश सभाया दुजः सुरेन्द्रराज गोसाई जुं देश

४०/५० दाया इलय तः भवखाचाया चोटफः फं वगु खाँ कुल दिसे १९९० सालया तः भवखाचा लिपा न अपलं तः तः हांगु भवखाचा फः फं उकिं सय्क सिङ्क सुरक्षित समाज व बस्ती दयक दयकः हः नय् वानय् गु कुतः याडः वयो च्वडागु खाँ ब्याकः दिल ।



वयकलं बल्लाकः भिंकः दाडः भवखाचा फय फैगु काथं संरचनात दानय् ता जनता हे गवाय्मः धायोदिसे दे हज्याकय् गु सरकारया जिम्मेवारी, लिपाथ्यंकया बिचः याडः दूरदर्शिता व सवेदनशीलता पाख्य न मस्वसे मगा धायो दिसे भी पुर्खा पिसं पलाँति, चित्तपोल, कटुन्जे, केपुलि थजगु थासय् बस्ती निः स्वांगु वयकपिन्के भौगोलिक ज्ञानं जायन्ति हे दयकगु धाय् गु सियरः धायोदिसे देगः मथः, फल्चा सतः व द्यो तय् ता जकदयकगु मखुसे थानाया जनजीवन व भौगर्भिक स्थितिता बिचः याडः दयकगु खः उगु थाँ हलिमयया दकलय् च्वजः गु व (नमुना) ब्वस्यलागु निर्माण खः धायो दिल ।



सचिष्ठ नीखुगू ख्वप पौ. बः छि पौ(पाद्धिक)

फुक्क छत्थाय्सं मुडः च्वनिगु बस्ती दयकलकिं स्वनिगः या भवखाचां स्यंकय् फः गु वा भवखा ब्वइगु थासय् भन ग्यापुकगु खाँ ब्याकसे बयकलं थवनं न्हपाया क्षति पाखं सय्कः थुइकः हज्याय् माली धायो दिल ।

ख्वप नगरपालिकाया उप प्रमुख रजनी जोशी जुं भी पूर्खा पिसं स्यडः तकगु ज्यापा (प्रविधि), भीथाय् दः गु स्रोत व साधनत छ्यलः दाडः तः गु सम्पदात नीछगु सदिंख्य नपां तस्कं महत्वं जः गु सम्पदा काथं धस्वाडः च्वंगु खाँ कुलः दिसे ख्वप नगरपालिका सम्पदा ल्हवनय्-कानय् व दानय् गु व ल्यंकः म्वाकः तय् गु ज्याख्य स्थानीय सहभागिता व भीथाय् दः गु हे सामानत छ्यलय् गुलि बः याडः वयागु खाँ ब्याकः दिल ।

भक्तपुर जिल्लाया प्रजिअ रोशनी कुमारी श्रेष्ठ जुं थी थी पिनयनं न्याडः हः गु सामानत जक छ्यलः दयकगु संरचनां जक भवखाचा फय फैगु मखुसे स्थानीय स्रोत साधन छ्यलः न भवखाचा फयफैगु काथं दानय् फैगु खाँ कानय् ता थुगु दिवस तः लाइ धायोदिल ।

ज्या इवः सं ख्वप नागरपालिकाया प्रमुख प्रशासकीय अधिकृत वसन्त भट्टराई, ख्वप इञ्जिनियरिङ्ग कलेजया प्राचार्य सुजन माक व ख्वप कलेज अफ इञ्जिनियरिङ्ग उप प्राचार्य रत्न शोभा प्रजापति नं न्वचु तयो द्यूगु खः । ज्या इवः उलेज्या याय् धुकः मू पाहाँ व पाहाँ पिसं ब्वज्या स्वयो द्यूगु खः ।

उगु ब्वज्यासं ३१ गू मोडेल, ४३ गू किपाच्चयो तः गु नीखुगू पेपर ब्रिज, खुगु पोस्टर व सुरक्षा निकाय पाखं सुरक्षा व उद्धार सामग्रीत अलय् जिल्ला विपद् ब्यवस्थापन समिति भक्तपुर पाखं तयो तः गु 'खोज व उद्धार' या ज्या भः तय् गु स्तल तयो तः गु खः ।

ख्वप इञ्जनियरिङ कलेजय् न्हुंपु ब्वनामिपिता लसकुस

माघ ४ गते

ख्वप नगरपालिकापाखं चाय्कःतःगु ख्वप इञ्जनियरिङ कलेज व ख्वप कलेज अफ इञ्जनियरिङ्या स्नातक तगिंलय् भर्ना जू वपुं न्हुंपु ब्वनामिपिता लसकुस नपां अभिमुखीकरण ज्या इवः विहिवार क्वचाल ।



ज्या इवःया मू पाहाँ नेपाल मजदूर किसान पार्टीया छ्याज्जे नपां संघीय सांसद प्रेम सुवालं नेपःयाय्गु थें हे भूगोल व जनसंख्या दःगु प्रजग कोरियाय् नीडादा हाँ हे लाखौं इञ्जनियरत दःगु, उगु इलय नेपालय् ५-७ हजार म्हा हे इञ्जनियरत मरुगु अलय सन् २०१७ या ल्याकाथं नेपालय् १७ हजार इञ्जनियर दःगुलि उकिमध्ये २,६४५ म्हा मिसात इञ्जनियर दःगु खाँ काडः दिल ।

वयकलं छाग दे हज्याय्ता राजनीतिक न्ह्यलुवा अर्थशास्त्रया बजेट, प्रविधिक पिनिगु निर्माण दय् मः धायोदिसे नेपाल मजदूर किसान पार्टीया घोषणा पत्र २०५४ काथं २०५६ सालय ख्वप मा.वि व २०५८ सालय् ख्वप इञ्जनियरिङ कलेज चाय्कगु खः। उगु कलेजं देया ब्वनामिपिता च्वय थ्यंकया शिक्षा ब्यू ब्यू वगु दः।

सन् १९७७ या अक्टोवर समाजवादी क्रान्ति लिपा नेता लेनिनं क्रान्तिया अर्थ विजुली उत्पादन खः धायो द्यूगु खाँ कुल दिसे अः हलिमय विजुली मरुगु जीवनया कल्पना याय् फै मखु अलय नेपालया सरकारय् वांगु पार्टी तय्सं खुसी व विजुली भारतता बियो च्वंगु दः सरकारय् वांपिसं कोसी, गण्डकी, महाकाली च्वयया कर्णाली, अरुण तेसो तल्लो अरुण, अरुण चौथो, मुगु, कर्णाली, तिलाव, तिला-२ पश्चिमसेती, सेती १, पञ्चेश्वर कर्णाली चिसापानी, फुकोट कर्णाली भारतता बिय धुकल ।

वयकलं उब्लेया प्रधानमन्त्री शेरबहादुर देउवां लुम्बिनी भ्रमणे, व म्हा भारतीय प्रधानमन्त्री मोदीता तल्लो अरुण बिला । वांगु जेठ्य भारत वांम्हा प्रधानमन्त्री पुष्पकमल दाहाल (प्रचण्ड) फुकोट कर्णाली भारतता बिला । पुस १६ गते नेपालय् वम्हा भारतीय विदेशमन्त्री एस. जयशद्करं प्रधानमन्त्री दाहालता हिदया दुनय १० हजार मेगावाट विजुली भारतय् यंकयगु व भारतीय द्वाबासं तप्यंक २० करोड तका थः यत्थे खर्च याय दैगु सम्झौता याडः सहि याकला ।

भारतीय द्वात नेपालय् वैबलय् थानाया राष्ट्रपति, प्रधानमन्त्री व शासक दलया नेतात नपालाई अलय नेपःया भूमि कालापानीसं भारतीय सेनाच्चडः च्वंगु, नेपःया भूमि भारतय् लाक सीमा नक्सा दयकगु, खुल्ला सिमानाय् भारतं याडः च्वंगु अत्याचारया विषय नुवाय मफः धायो दिसे वयकलं नेपःया भूमिसं भारतीय आक्रमणया विरोध याम्हा कञ्चनपुरया गोबिन्द गौतमया भारतीय एसबीबी स्याडः बिल । भारतीय सुरक्षाकः मिन्हं हतियार नपां यैं या बानेश्वर वाडः खानतलासी यागु खाँ वयकलं काडः दिल ।

सांसद सुवालं - नेपःमिपिता जा थुय्ता, च्याकय्ता, कृषि, शिक्षा, उद्योग, यातायात, रेलवे न्ह्याकय्ता गावक विजुली मगासा भारतता बियमज्यू । नेपःया प्रधानमन्त्री थःगु खुसी बिजुली पिकाय्ता है भारत खाडः ग्याडः च्वनिगु, धायोदिल ।

वयकलं खुल्लाया कुल आयात ७ खर्ब ९२ अर्ब ९६ करोड जुलसा निर्यात ८० अर्ब ८१ करोड जक जुला । व्यापारघाटा ६ खर्ब ९३ अर्ब २० करोड जुल । आयात जूगु हिताजि बस्तु मध्ये डिजेल ६६ अर्ब ४९ करोडया पेट्रोल ३३ अर्ब ९२ करोडया एलपि ग्यास २५ अर्ब ४६ करोडया, एचआरसिट (जस्तापाता) २२ अर्ब ३६ करोडया, शुद्ध न्या १९ अर्ब ३६ करोडया, मोबाइल फोन १५ अर्ब ६७ करोडया, तयारी काप १८ अर्ब ७४ करोडया, एलोपेथिक वास (आधुनिक वास) १३ अर्ब ७२ करोडया, विद्युतीय गाडी १३ अर्ब १२ करोडया अलय् लुँ ११ अर्ब ८९ करोडया दःगु धायो तःगु दः धायोदिल सा सरकारं नदीनाला भारतता मध्यसे थः थाय है बिजुली पिकः गु जुसा खुल्लाया दूनय् खबाँ तकाया डिजेल, पेट्रोल, एल.पि. ग्यास न्याडः ह्य मालिगुमखु अथेहे नेपालय कपाँय खेती याय् फः खः सा २५ अर्बया काप न्याय मालिगु मखु । न्हुगु पुस्ताया ब्वनामि पिसं थजगु कतया भरय् म्वाय मालिगु लाँपु लफ्यडः थःगु तुतिख्य दानय्गु कुतः मः ।

ज्या इवःया सभाया नायो नपां ख्वप नगरपालिकाया प्रमुख सुनिल प्रजापति जुं प्राविधिक क्षेत्रय् हज्यागु देश है हलिमय आर्थिक व भौतिक विकासय् नं हज्यागु खाँ व्याकसे बांबालापुं प्राविधिकपुं दे हज्याकय्गु छाग स्यल्लागु लिधंसा खः धायोदिल ।

देशय् ब्वलापुं बौद्धिक जनशाक्ती पिनय् देशय अपलं वाडु च्वंगुलिं चिन्ता प्वकसे विश्व विद्यालय थजगु प्राज्ञिक लागाय् नपां बारंबार बन्द, हडताल, तोडफोड व मितयो बियगु थजगु अराजनैतिक ज्या इवः त यासेलिं बालाक ब्वनिपुं, ब्वनामिपुं छुँ बुँ मियो जूसां विदेशय् ब्वं मवांसे मगाक बिला धायो दिल ।

सरकारं नीतिगत रूपं है विदेशय् छ्वयो च्वंगु खाँ कुल

दिसे प्रमुख प्रजापतिजुं देशय् व्वलांगु जनशक्ति देशया लागिहे समर्पित जुयो ज्या सांसा दे मथां हज्याड ग्यसुलाक विकास जुई धायो दिल ।

ज्या इवः सं वागमती प्रदेश सभाया दुजः सुरेन्द्र राज गोसाई जु न्हूँगु पुस्ता राजनैतिक रूपं प्रशिक्षित जूसा दे हछ्याय्ता बालापु न्ह्यलुवा प्याहाँ वैगु खाँ काडः दिल ।

सांसद गोसाई जु नेपालं तिभवतय् वाडः, वनलिं चीनय वाडः बौद्ध वास्तुकलां नां जायकम्हा नेपः या बास्तुकार अरनिको पाखं नं इञ्जनियरिङ व्वपुं ब्बनामिपिसं सय्के मधायो दिल ।

शासकदलं राजनीति सेवाया लागिं मखु कमेयाड नय्गु थालाँचा काथं छ्यलः वगुलिं है न्हूँगु पुस्ताता राजनीति खाडः वितृष्णा जूगु खः धायो दिल ।

सचिष्ठ नीखुगू ख्वप पौ बःछि पौ(पाद्धिक)

नेपालय् थ्यं मथ्यं न्हिं न्ह्यम्हा मनूत सडक दुर्घटनां सीडः च्वांगु ल्या काडः दिसे वयकलं कमजोर इञ्जनियरिङ ब्बंगुलिं है अकालं नागरिकपुं सीडः च्वांगु खाँ काडः दिल ।

ख्वप नगरपालिकाया उप प्रमुख रजनी जोशी ख्वपदेता ज्ञान विज्ञानया मू थाय् सभ्य व सुसंस्कृत नगरकाथं तातुड ज्या साडः वयागु खाँ कुल दिसे नगरपालिकापाखं चाय्कः तःगु शैक्षिक संस्था पाखं बालापु व योग्यपुं जनशक्ति ब्बलांकः देशय् ब्याकः न्हिथानय् लाइकगु योगदान यायां वगु खाँ काडः दिल ।

ज्या इवः सं ख्वप इञ्जनियरिङ कलेजया प्राचार्य सुजन माक व ख्वप कलेज अफ इञ्जनियरिङ या प्राचार्य सुनिल दुवालं न्हूँपुं ब्बनामिपिन्ता ख्वप परिवारय् लसकुस यासे तः लाक ब्बनय् फ्यमः धाय्गु भिन्तुना देषासे लाँपु नं क्यडः दिल ।

एडभान्स सुज्या सुयगु तालिम क्वचाल

माघ ५ ज्ञते

ख्वप नगरपालिकाया ग्वसालय एडभान्स सुज्या सुयगु तालिम क्वचाय्कः दसिपौ लःल्हाय्गु ज्या इवः नं जुल ।



ज्या इवः सं ख्वप नगरपालिकाया प्रमुख सुनिल प्रजापति जु तालिमं सय्कागु ज्या व्यवहारिक रूपय नं छ्यलः यंक्य् मःगु खाँ काडः दिसे मनूतय्के छ्गु नं छ्गु सीप दःसा कतया भरय् मखु

स्वामिमानी जुयो म्वाय् फैगुलिं प्रविधि नपां हज्याडः च्वनय्ता बः याडः दिल ।

बडा नं द या बडाध्यक्ष कृष्ण प्रसाद कोजुं लाहातय् ज्या दय्केता तालिम काय्मः धायोदिल । बडा नं १० या बडाध्यक्ष लक्ष्मीप्रसाद ह्योमिखां व्यक्तिगत घटना दर्ता इलय है याय् मःगु अलय तालिमय सय्कागु ज्या व्यवहारय छ्यलय्मः धायोदिल ।

महिला बाल बालिका व समाज कल्याण समितिया कजि रोशन मेयाँ सुवालं लाहातय् ज्या दःसा तुरन्त ज्या बिड्गु, ज्या मरुदक सुकः च्वनय् म्वालिगु खाँ काडः दिल सा समाजय् ह्यूपा ह्यता कानुनी शिक्षा नं मः धायो दिल ।

तालिमया स्यनामि कमला शाक्य, सय्कामि निर्मला ब्यांजु व बडाया दुजः विष्णु केशरी दुवाल व बडाया दुजः सुमित्रा बोहजु नं न्वचु तयो द्यूगु खः ।

लसकुस

चिनियाँ कम्युनिष्ट पार्टी विदेश विभागया उपमन्त्री सुन हेयानया न्ह्यलुवाय नेपःया भ्रमण्य् भःपुं प्रतिनिधि पुचः ता ख्वपय् नेमकिपाया छ्याज्जे प्रेम सुवाल व नगर प्रमुख सुनिल प्रजापति जुपिसं लसकुस याडः दिल । उगु पुचलं नेमकिपाया नायोभाजु कामरेड रोहित जुयाता नपालाडः नेमकिपा ५० दा क्यंगु या लसताय लःस हाडः दिल । उगु पुचलं ख्वप नगरपालिका पाखं चाय्कतगु ख्वप अस्पताल नं स्वयो दिल ।



सार्वजनिक पद्य च्वंपिसं देशां देछिया चिन्ता कायमः

माघ ६ ज्ञते

वागीश्वरी मा. वि / कलेज / व कलेज अफ म्यानेजमेन्ट
ख्वपया ग्रवसालय वागीश्वरी परिवारया दाच्छिया छक नपा लायग्रु
ज्या इव: धुलिखेलय जुल ।



नेपाल मजदुर किसान पार्टीया छ्याङ्जे नपां संघीय सांसद प्रेम सुवालया मूँ पाहाँलय ज्ञगु उगु ज्या इव: सं वयकलं नेमकिपां पार्टीया घोषणापत्र काथं ख्वप कलेज पलिस्था यागु नपां वागीश्वरी, बासु, आदर्श कलेज नेमकिपाया नेता व कार्यकर्ताया न्ह्यलुवाय् पलिस्था यागु खाँ व्याकसे समाजता मभिंगु लायँ डाय्केता स्वइपिसं शैक्षिक संस्थात स्यंक्यता स्वइगुलिं बिचः याय मःगु खाँ व्याकसे प्रधानमन्त्री, मन्त्री, सांसद व मेमेगु सार्वजनिक पद्य च्वडः च्वंपिसं थः पिनिगु जक चिन्ता मखु देशां देछिया जनतातय काय् म्हयाय् पिनिगु न चिन्ता कायो ज्या सानय् मः धायो दिल ।

वयकलं हुँगु पुस्ता मथां ब्वलांक्यता मास्तरत शैक्षिक सामग्री ज्वडः ब्वंक्यगु क्वथाय् वानय् मःगु अमिता मनच्वजायकः उत्प्रेरणा बियो ब्वंक्य् मः धायो दिल ।

नेमकिपां विद्यालय शिक्षा विद्येयक्य् शिक्षक पिनिगु मौलिक हक सुरक्षित जुइगुकाथं संशोधन दर्ता पेश याडागु खाँ व्याकसे वयकलं शिक्षकपुं राजनीतिख्य् वांगुलिं शैक्षिकस्तर क्वम्हयो वाना धायग्रु खाँ भुठा खः बरु मास्तर पिसं मचातय्ता चुनावबलय् धेबा कायो, ख्वें नयो मखुगु खाँ प्रचार याडः जुय मज्यू दक स्यनय् मः धायो दिसे थव स्वाभाविक ज्या नं खः नपां शिक्षकपिसं ब्वनामिपिन्ता प्रजातन्त्र समाजवाद व साम्यवादया खाँ काडः ब्यूगुता राजनीति याता धःगु मिलय मजु धायो दिल ।

वयकलं नातावाद, पक्षपात, जातिवादया विरोध शिक्षकपिसं याय मःगु खाँनपां राष्ट्रपति रामचन्द्र पौडेलं माधी पर्वया लसताय

संसदय् दःपुं दलत नपालायग्रु इवलय थःनपां नपालःवपुं विदेशी पाहांपुं राजदूतपिसं नेपःया संविधानय् क्वयया वर्गता नं सम्बोधन याडः तःगुलिच्चः छगु खाँ कांगु खाँ व्याकसे नेमकिपां अपलं ब्वनय् कुथिया गुणस्तर भन भन म्हवः जुयो वांगु ल्यासे ल्याम्होपिन्ता बैदेशिक रोजगारीख्य् राष्ट्रपतिया ध्यानाकर्षण याडागु खाँ काडः दिल ।

वयकलं खुल्ला थुख्य् २ लाख ४३ हजार ४०५म्हा ल्यासे ल्याम्होपिन्ता बैदेशिक रोजगारीख्य् छ्वगु ल्या प्याहाँ वगु दायँ २ हजार ३१८ म्हा डाक्टर पिन्ता बैदेशिक रोजगारीख्य् छ्वगु ल्या काडः दिल ।

युगान्डाय् ज्ञगु असंलग्न आन्दोलनया हिंगुकागु शिखरसम्मेलनय् प्र.म. पुष्टकमल दाहालं सरकार असंलग्न परराष्ट्र नीतिख्य् च्वडः च्वंगु अलय् युक्रेन व गाजाया ल्वापुया खाँ काडः दिल । अलय प्र.म. दाहालं युक्रेनय् रुस विरुद्ध अमेरिका लिनय् च्वडः ल्वाडः च्वंगु व इजरायली सेना अमेरिकी साम्राज्यवादया गवहाली ख्य् प्यालेस्टाइनया भूमि कब्जा व जातीय नरसंहार यागु खाँ बालाक मकां धायो दिल ।

वयकलं धायोदिसे – ‘संसारया न्यायप्रेमी जनतां अमेरिकी राष्ट्रपतिया तस्वीरय् लकामं क्यूकागु के इजरायली प्रम व अमेरिकी राष्ट्रपतिया ख्याचा दय्क अमिगु लाहातय् हिं बुइक तः पुं कतामारी ज्वडः चाहिइकः युक्रेन व प्यालेस्टाइनय् जुगु बमबारीया विरोध याडः च्वंगु दः । उल्लेया प्रधानमन्त्री शेर बहादुर देउवां सं.रा.संघय् रुसया विरुद्ध युक्रेनया पक्ष मत ब्यूगु असंलग्नताया अखः खः’

नेकगु राष्ट्रिय कृषि जैविक विविधता दिवसया लसताय कृषिमन्त्री रासायनिक सःम्हवचादक छ्यल भीथाय् रैथाने बाली ल्यंक तयगुलि बिचः यो धाला । प्रम व मन्त्रीतय् रुस बिचः यो धायो जनताता निर्देशन बियगु जक मखु थमनं याडः क्यनय् मःगुलि प्यला थुख्य् तरकारी जक १२ अर्बया विदेशं न्याडः ह्यधुक्ल अलय् दाल, जाकी नं खबाँ तकाया विदेशं न्याडः ह्य धुक्ल । कृषिप्रधान देश दक हःज्ञूपुं प्रम व मन्त्रीत लज्या चाय्मःगु खः सांसद सुवालं धायो दिल ।

प्वाथय् दःपुं मचा बूपुं ४३ प्रतिशत मिसात उपचार याय् मखाडः सीगु स्वास्थ्य चौकी गुणस्तर बांमलागु खाँ प्याहाँ वगु दः । बहुल व गणतन्त्रया ३५ दा ख्य नं स्वास्थ्य चौकी बांलाक न्ह्याक्य् मफःपुं प्रम व मन्त्रीत गथे लायक जुला ? प्रम पिन्के देश विकासया खाका हे मरु । वयकलं धायो दिल ।

सांसद सुवालं धायोदिल - मोबाइल डिभाइस म्यानेजमेन्ट

सिस्टम (एमडीएमएस) व टेलिकम्युनिकेशन ट्राफिक मनिटरिंग एण्ड फट कन्ट्रोल सिस्टम (टेरामक्स) न्यागुलि जूगु भ्रष्टाचारय नेपाल दूर सञ्चार प्राधिकरणता द्वार्पं बियो मन्त्री व मन्त्रालय छख्य लिय फैमखु । एनसेलया ६२ अर्बतका पूँजीगत लाभकर मकः पुं प्रम व मन्त्री तयसं च्यादा हाँ १४३ अर्बतका मिडके बियो थप अबैत्तका पूँजीगत लाभकर घोटाला याकला । हुन्डी व क्रिप्टो कारोबारय अर्बां तका भ्रष्टाचार याडः च्वंगु दः ।

अमेरिकी बमबारीं धू याय् धुकुगु प्रजग कोरियाता आनाया न्ह्यलुवापिसं ३० दा दुनय संसारया बा.लागु सहरत थें च्वंकः दयकला । तः तः खागु भवन नपांया आवास योजना दाच्छिया दुनय है विकास याता । प्योड्याद्या कोयो होटल अन्तरराष्ट्रिय स्तर याय् गु है खः । देया सार्वभौमिकता रक्षा व उर्जा आपूर्तिया लागिं आणविक योजना दयकला । अमेरिकी साम्राज्यवादं दक्षिण कोरियाय ल्वाभःतः थानय् यंकः युद्धया धम्की व्यूसेलिं प्रजग कोरियां वार्ता ला युद्ध जक न्यना । व्यक्तिगत स्वार्थ मस्वसे चवःजः पु नेतातय्सं जक देश व जनताया सेवा याई वयकलं धायोदिल ।

वयकलं अन्धविश्वास समाज हमज्याइगुधर्म मनुया कर्तव्य भः पियो, कलेजं व्यक्ति मखु समाज व देशमुखी अनुसन्धान याकय् मःगु विश्व व्यापीकरणया नामय गरिव देशया सामान, बजारलाक काइगु भारी क्वथाय् खिचा द्वैं वां थें जुइगु खाँ व्याकसे वागीश्वरी शैक्षिक संस्था थाना तक थ्यक्यता रवाहाली यापुं सकल सिता सुभाय देछायो दिल ।

कलेज व्यवस्थापन समितिया नायो नपां ख्वप नगरपालिकाया प्रमुख सुनिल प्रजापति जुं देया शैक्षिक अवस्थाय् सङ्कट वयो च्वंगु इलय पंगःता चिइकः न्हूं न्हूं आकर्षण ज्वडः हज्याय मःगु, देशादेइया १४५० कलेजमध्ये डासगू स्वयो अपः कलेजय् १०० स्वयो म्हवचा ब्वनामिपुं जक दःगु खाँ व्याकसे १२ सय् ब्वनामिपुं दःगु वागीश्वरी कलेजं क्यूएस दयधुकं अभक बालाइगु आशा प्वंकसे थैया वागीश्वरी च्वजायकगु शैक्षिक लिच्चवः भी अग्रजपिसं यागु योगदानया खाँ कुलः दिल ।

वयकलं ल्यासे ल्याम्होपुं विदेशय् ब्वंकय् छ्वयो गलत नागरिकता ऐन ह्यो विदेशीत दुतिडः च्वंगुलि सचेत जुयमःगु, देया जलस्रोत विदेशीया लाहातय बियो भारतीय एकाधिकार याकय् व्यूगुलि कुखिसे अः भारतीय दुताबासं २० करोडतका तक विकास निर्माणय् रवाहाली याकय् दैगु यापुं शासक दलया नेता मन्त्री सांसदपुं आना स्वाभिमान त्वःतः लाहा फः वानिगु खाँ व्याकसे अथे याय् मज्यूगु खाँ काडः दिल ।

वागमती प्रदेश सभाया सांसद सुरेन्द्रराज गोसाईजुं दे फुकक लागाय धाय्थे व्य झ्यो वाडः च्वंगुलि वागीश्वरीया शैक्षिक

सचिष्ठ नीखुगू ख्वप पौ. बःछि पौ(पाद्धिक)

संस्थां आशाया मताच्याक व्यूगु खाँकुल दिसे सरकारया आशयासां भरकाय मज्यूगु थमनं हे याडः क्यनय् मःगु खाँ नपां अः हलिमय ४ करोड ४० लाख शिक्षक माल च्वंगु भीथाय् दःपु भाति भाति जनशक्ति नं विदेशं खुयो यंकः च्वंगु खाँ काडः दिल ।

वयकलं शिक्षण पेसा सम्मानित याय् फःसा विदेशय वानिपुं म्हाँ जुइगु खाँ व्याकसे अः बुलुहुँ अभिभावक पिसं खाँ थुयो वगु, म्यानपावर कम्पनिता कडा नियम दय्क यंकय् मःगुलि सरकार अमिगु जालय लाडः च्वंगु खाँ काडः दिल ।

ख्वप नगरपालिकाया उपप्रमुख रजनी जोशीं ख्वप नगरपालिकां समाजवाद उन्मुख ज्यासाड शिशु स्याहार निसें कलेज तक चाय्कः ख्वप अस्पताल चाय्कः जनताया सेवा याडः च्वंगु खाँ काडः दिल । वागीश्वरी गुणात्मक व संख्यात्मक काथं च्वजः गु वागीश्वरी परिवारं नगरपालिकाता अपलं रवाहाली याडः वयो च्वंगु खाँ व्याक से सुभाय् देछायो दिल ।

विद्यालय व्यवस्थापन समितिया नायोभाजु रविन्द्र ज्याख्वं वागीश्वरी परिवारय् ५, २९५ म्हा ब्वनामिपिनिगु भविष्य स्वाडः च्वंगु खाँ व्याकसे सरकारं शिक्षा ख्य् याडः च्वंगु भेदया खाँ काडः दिल ।

भिंपुं व देशभक्त नागरिक ब्वलांकय् गु मतिं शिक्षकपिसं ज्या सानय् मःगु व सामुदायिक ब्वनय्कथि ब्वंकय् गु संस्कार वागीश्वरी न्ह्याकगु खाँ नं व्याक दिल ।

प्र.अ. कृष्ण प्रसाद धन्छां सुभाय देछःगु उगु ज्या इवः सं सहायक प्र.अ. कृष्ण प्रसाद कर्मचार्य नं न्वचु तयो द्यूगु खः ।

एसईई तयारी परीक्षा स्वःफाल

ख्वप नगरपालिकाया प्रमुख सुनिल प्रजापतिजु पाखं ख्वप नगरपालिका पाखं पुस २५ गते निसें न्ह्याकगु नगरपालिका दुनयया हिगू तगिलय ब्वडः च्वंपुं ब्वनामिपिनिगु एसईई तयारी परीक्षा केन्द्रे भायो स्वयो दिल । वयकलं विहिवार आदर्श आजाद केन्द्र व वागीश्वरी केन्द्र भायो उगु एसईई तयारी परीक्षा स्वयो द्यूगु खः ।



सचिवत नीखुगृह ख्वप पौ. बःछि पौ(पाद्धिक)

सिंहदरवार हे भ्रष्टाचारयाइगु थाय् जूसा मेथाय् छु जुई ?

माघ ७ गते

ख्वप नगरपालिकाया ग्वसालय न्ह्याकगु प्लाया आधारभूत पाकशिक्षा (ज्वरय याय्गु) तालिम क्वचःगु व दसिपौ लः ल्हाय्गु ज्यासं मूपाहाँ नेपाल मजदुर किसान पार्टीया छ्याञ्जे नपां संघीय सांसद प्रेम सुवाल जु नय्गुनसा स्वस्थकर अलय साकः नय्ता ज्वरय् याय्गु तालिम कायमः धायो दिल। वयकलं पर्यटकपिन्ता भीथाय् नसा ज्वलं ज्वरय याड नकय् फःसा देया अर्थतन्त्र बल्लाइगु खाँ व्याकसे पाकशिक्षाया तालिम कः पिसं जिल्ला दुनय्या थी थी नसात ज्वरय् याडः नकय्गु नपां देशया थी थी जिल्लाय् दःगु नसाज्वलं या खाँत सय्कः थुइकः विदेशय् वानय्ता मखु थःगु हे देशय् देश दुनय व पिनयया पर्यटक पिनिगु सेवा याडः लाहातय ज्या दयकेगु काथं छ्यःसा बांलाई धायो दिल।



वयकलं ज्वरय् याइपिन्ता सुर्ती, खैनी, थवँ, ऐला (वियर, देसी ऐला) त्वंकिपु नं यक्व हे दैगुलिं बिचः याडः अजगु नसा खय् लगय् जूसा नुगः किङ्नीया ल्वय दैगु खाँ थुइक सचेत जुयमः धायो दिल।

वयकलं छम्हा सरकारी कर्मचारी कांगु खाँ कुल दिसे कागजात मिलय याड वलकिं अजगु बिलया धेवा बियःमःगु व स्वयो अपः न्यनय्गु अधिकार थःपिन्के मरुगु अथेनं अजगु धेबा बिय मालि बलय् थःगु न्हकुपत्ता हे क्वाडः वैगु अथेनं लाचार जूगु खाँ व्याकसे छु दाँ हाँ आखियार दुरुपयोग अनुसन्धान आयोगया पलिस्था दिंया ज्या इवः सं थाना भः पिसं भ्रष्टाचार मयासा देया बच्छी भ्रष्टाचार म्हवचा जुई धःगु खाँ व्याकसे आना वपु अपलं मन्त्रीत व सचिवतय्ता क्यडः थःगु खाँ काडः दिल। उकिया छु ई लिपा छम्हा सचिव तं प्वकः धाला सिंहदरबार भ्रष्टाचारयाइगु तहांगु थाय् खः। देया मूमूपु कार्यकारीत च्वनिगु सिंहदरवार हे भ्रष्टाचारया अखडा जूसा देया मेमेगु थाय् गुलिजक कमजोर जुला जुई ? सांसद सुवालं धायो दिल।

न्ह्यागु हे जिम्मेवारी कायो च्वसां इमानदार मजुसे मगा धायोदिसे वयकलं देश विदेशया इतिहास भूगोल छ्वनय मः नपां प्रजातन्त्र समाजवादी व पूँजीवादी नं दैगु खाँ थुइके मः धायोदिल।

नेपालय अः पूँजीवादी प्रजातन्त्र खः। पूँजीवादी प्रजातन्त्रख्य् अपलं गरिव पिसं दुःख सिर्द्ध। उकिं समाजवादी गणतन्त्र व साम्यवादया खाँ नं थुइके मः धायोदिसे ल्यासे ल्याहो पिसं देश व समाजया सेवा याय् मःगु खाँ नं वयकलं काडः दिल।

ज्या इवःया सभाया नायो नपां ख्वप नगरपालिकाया प्रमुख सुनिल प्रजापति जुं पर्यटकपु छक मवसें मगागु गन्तव्य स्थल व सांस्कृतिक तगरकाथं हज्याडः वयो च्वंगु ख्वप दे अःम्वाडः च्वंगु संग्रहालय काथं म्हासिइका पिब्बयो वयो च्वंगु ख्वपया जनताया लागि गौरबया खाँ खः धायोदिसे जनसंख्या व क्षेत्रफल चिच्या क्वसां चिच्याहांगु समाजवादी देश क्यूबाया पर्यटन विकासं सय्कः नेपालय नं वहे काथं हज्याया मःगु खाँ काड दीसे ख्वप नगरपालिकां ल्यासे ल्याम्होपिन्ता थःगु तुतिख्य् दानय् फैगु काथं लाहातय् ज्या दैगु सीप व तालिम, भाय् स्यनय्गु, सुज्या सुयगु थजगु तालिमत न्ह्याकः वयो च्वंगु खाँ व्याकः दिल। रेमिट्यान्सया भरय् देश न्ह्याकिपु शासक तय्गु सोच तसकं कुखिय मःगु खाँ व्याकसे वयकलं तालिम कः पिन्ता सफल ब्यवसायी काथं हज्याय्ता छ्वाडः दिल।

छु नं ज्या तहां व चिच्याहां धाय्गु मदैगु खाँ व्याकसे प्रमुख प्रजापति जुं ज्यायाता सम्मान याय्गु बानी भीसं सय्के मः धायोदिल।

ख्वप नगरपालिका वडा नं ९ या वडाध्यक्ष रबिन्द्र ज्याख्वः ख्वप नगरपालिकां जनताया इच्छाकाथं, अमिता मः काथंया ज्या याडः वयो च्वंगु खाँ व्याकसे तालिम सय्कः सीपता उद्यम व व्यवसाय ज्वडः हज्याय्ता लाँपु क्यडः दिल।

शीक्षाता उत्पादन श्रमनपां स्वाय्गु नेपाल मजदुर किसान पार्टीया तातुना खः धायो दिसे वयकलं ख्वपया शैक्षिक जग धिसिलाकक बल्लागुलिं ख्वप दे, थौ शैक्षिक रूपं हज्याडः च्वंगु खः धायोदिल।

प्लाया आधारभूत पाक शिक्षा तालिमया स्यनामि बिष्णु श्रेष्ठं सय्कपिन्ता थमनं फक्व बांलाक प्रशिक्षण वियागु खाँ व्याकसे ल्यासे ल्याम्होपिन्ता थःगु देशय् हे ज्या साडः थःगु तुतिख्य् दानय् फयकेता तालिमं ज्या याइगु खाँ काडः दिल।

सयकामि दुर्गाप्रसाद श्रेष्ठं तालिम न्ह्याकय्ता ख्वप नगरपालिकाता प्रशिक्षार्थी पाखं सुभाय देछासे पाकशिक्षां सय्कागु सीप जीवन उपयोगी खः धायो दिल।

ख्वप नगरपालिकाया प्रमुख प्रशासकीय अधिकृत बसन्त भट्टराई जुं सुभाय देछःगु उगु ज्या इवः सं कार्यपालिकाया दुजः रोशन मैया सुवालं लसकुस न्वचुतयो दूगु खःसा वडाया दुजः हेरा ख्याजु नं न्वचु तयो दूगु खः।

ज्या इवःया मू पाहाँ सांसद सुवालं तालिम् ब्वति कःपु ६६ म्हा प्रशिक्षार्थीपु व नेम्हा स्यनामि पु विष्णु श्रेष्ठ व सुनिल सुवालता दसि-पौ लः ल्हाडः दिल।

सचिव नीखुगू खप पौ. बःछि पौ(पाक्षिक)

नेमकिपाया पलिस्था दिया ज्याभवः

माघ ९ जाते

खप नगरपालिकाया प्रमुख सुनिल प्रजापतिजुं मार्क्सवाद, लेनिनवाद व माओआत्सेतुडु विचार धाराता मार्ग निर्देशक सिद्धान्तकाथं कायो वगु नेपाल मजदुर किसान पार्टी निःस्वांसां निसें सामन्तवाद, पूँजीवाद, उपनिवेशवाद व साम्राज्यवादया विरुद्धय मदिसें संघर्ष याडु वगु खाँ काडः दिल ।



नेपाल मजदुर किसान पार्टीया ५० दा क्यांगु पलिस्था दिया लसताय गवसःगवगु ज्या इवः सं वयकलं प्रतिक्रियावादी संघ संस्थाय् द्वाहँ वाडः जनताया सेवा याय्गु नीति काथं नेमकिपां (उब्लेया नेमकिसं) उब्लेया पञ्चायती चुनावता नं छ्यलः यागु छांगु आन्दोलन खः धाय्गु विचः प्वकः दिल ।

सशस्त्र क्रान्ति खं जक समाजवादी क्रान्ति याय फै अलय शान्तिपूर्ण अवस्थाय् जनताया राजनैतिक चेतनास्तर समाजवाद निःस्वान्यता मालिगु खाँ नं वयकलं व्याकसे वयकलं एमाले व माओवादी कम्युनिस्ट विचारधाराया अखः ज्या साडः च्वंपु नक्कली कम्युनिस्ट खः । अपु कम्युनिस्ट पार्टीया नामय पूँजीवादी सरकारय् द्वाहँ वाडः पूँजीवादया जग अभ बल्लाकय्ता जूँपु शासकपिंगु विरुद्धय नेमकिपां सैद्धान्तिक संघर्ष याडः वयो च्वंगु खाँ नं व्याक दिल ।

नेमकिपा निःस्वांसां निसें देश व जनताता भिं जुइगु ज्या याडः वयो च्वंगु खाँ कुलदिसे वयकलं ल्यासेल्याम्होया जनशक्ति फुक्क

धरानया प्रतिनिधि पुचः खप नगरपालिकाय्

खप नगरपालिकाया प्रमुख सुनिल प्रजापति जु नपां नेवा: एकता समाज धरानया प्रतिनिधिमण्डल पुचःलं खप नगरपालिकाया सेवाप्रवाह, विकास निर्माण व शिक्षा-स्वास्थ्य, सम्पदा ल्यंकः म्वाकः तय्गु थजगु थीथी खाँ सिइकेता नपा लःभःगु खः ।

उगु इवलय प्रमुख प्रजापतिजुं देया इकलय बालागु नगरदय्केनु तातुडः हज्याडः च्वंगु स्थानीय निकायता संघ व प्रदेशं इलय-व्यलय पंगः थाडः च्वंगु अलय खप नगरपालिकां चाय्क तःगु शैक्षिक संस्था भिंक, बालाकः ल्वकंगु नपां देया सार्वभौमिकता, स्वतन्त्रताया चिन्तन मनन याइपुं देशभक्त ल्वनामिपुं ल्वलाकय्गु, गरिव ल्वनामिपिन्ता शैक्षिक ऋण, गरिब व जेहेदार ल्वनामिपित्ता छात्रवृति नपां स्थानीयतहे बियफैगु अपलं सेवात बियो वयागु खाँ काडः दिल ।

विदेशय वांसेलिं देश आर्थिक व राजनैतिक रुपं लिपा लः वांगु खाँ व्याकसे नेमकिपां ख्यांगु चान्हय् तिमिला या ज्या काथं साडः वगु खाँ नं व्याक दिल ।

खप नगरपालिकाया उप प्रमुख रजनी जोशी ख्यां खप नगरपालिकां नेमकिपाया नीति व निर्देशन काथं ज्या साडः वयो च्वंगु निर्वाचन घोषणापत्र पाखं जनताता वियागु बचं काथं निस्वार्थ रुपं जनताया सेवा साडः वगु खाँ व्याक दिल ।

वयकलं राजनीतिकरुपं मिसामस्तय्ता सचेत व छ्पा छ्धि याय मःगु खाँ व्याकसे नेमकिपा पद व धेबाया लागिं मखुसे देश व जनताया सेवा याय्ता पलिस्था यागु कम्युनिस्ट पार्टी खः धायो दिल ।

खप नगरपालिका वडा नं. ७ या वडाध्यक्ष उकेश कवां जुं नेमकिपा पलिस्थायासां निसें नेपःया कम्युनिस्ट पार्टीसं खान्य् दःगु ख्वाँगु (खोटा विचार) बिचः याता खण्डन यासे सैद्धान्तिक, वैचारिक व राजनैतिक संघर्षपाखं देशता खःगु लाँपु क्यन्यता कुतः याडः वगु खाँ काडः दिल ।

‘कामदार वर्गता शासक वर्गखय् यंकय्गु तातुडः नेमकिपां जनताया सेवासं समर्पित जुयो इमानदार जुयो ज्या साडः वगु खाँ नपां नेमकिपा बिचः व सिद्धान्तया लिधांसाय् निःस्वांगु नेपःया सच्चा कम्युनिस्ट पार्टी खः’ वयकलं धायो दिल ।

कर्मचारी समाज नेपालया नायोभाजु गौतम प्रसाद लासिवा जुं विदेशी पूँजीता भियाइपुं, देया कानय मज्यूगु खाँ बिदेशी तय्ता कानिपुं व नेखरं तलब नैपुं राजनैतिक दल, अमिपुं नेता व सरकारी कर्मचारीत जनताया शत्रु खः धायोदिसे अजपुं शत्रुतय्ता हाँगः लिसे लिड छ्यव्यता नेमकिपां न्ह्याब्ले मदिसे ज्या साडः च्वंगु दः धायो दिल ।

ज्या इवः सं वडा नं ९ या वडाध्यक्ष रविन्द्र ज्याख्व जुं पार्टी निःस्वांगु या सैद्धान्तिक आधारत काडःद्यूगु खः।

खप नगरपालिकाया उपप्रमुख रजनी जोशी थी थी ज्या इवःया प्रस्तुतिकरण क्यडः दिसे अजगु ज्या विदेशीतय्के धेबा मकसे याडागु खाँ व्याक दिल ।

धरानं प्रतिनिधिसभाया दुजः सुशिला श्रेष्ठं खप नगरपालिकाया ज्या च्वाँसें खप विश्वविद्यालय ऐन हछ्याकय्ता थमनं फःगु गवाहाली याय्गु बचं बियोदिल । नेवा: एकता समाजया नायो महेश श्रेष्ठं खप नगरपालिकां यागु लसकुस नपां फुक्क खप नगरपालिकाया विकास स्वय दयो लयता प्वकः दिसे खप पाखं मेमेगु स्थानीय तहनं सय्कः कःसा दे हज्याइगु विश्वास प्वकः दिल ।

उगु ज्या इवःसं ७ नं वडाया वडाध्यक्ष उकेश कवां नं न्वचु तयो द्यूगु खः ।

ख्वप नगरपालिकापाखं न्हुयाकगु एस ई ई तयारी परीक्षा

नगर प्रमुख जु स्वः माल

(२०८० माघ २ गते)



मोलाघेँ ६ या महाकालीया धो छेँ प्वल्हेँ चिथाय् जनश्रम दान



नीखुकगु मूकम्प दिवसया ज्या इवः

(२०८० माघ २ गते)



न्हूँ बनामिपिन्ता ख्वप कलेजय् लसकुस नपां लाँपु क्यनय् ज्या

(२०८० माघ ४ गते)

